

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
MINISTARSTVO OBRAZOVANJA/NAOBRAZBE,
NAUKE/ZNANOSTI, KULTURE
I SPORTA/ŠPORTA



BOSNIA AND HERZEGOVINA
FEDERATION OF BOSNIA AND HERZEGOVINA
TUZLA KANTON
MINISTRY OF EDUCATION, SCIENCE,
CULTURE AND SPORTS

IZVJEŠTAJ
o radu Ministarstva obrazovanja, nauke, kulture i sporta
za 2008. godinu

1. UVOD

Postupajući u skladu sa Zakonom o ministarstvima i Programom rada za 2008. godinu, Ministarstvo je djelovalo u okviru svojih nadležnosti, pratilo je stanje, provodilo politiku, utvrđivalo stanje, poduzimalo mjere, donosilo opće i pojedinačne akte, davalo mišljenja i preporuke iz oblasti odgoja i obrazovanja. Napori koje su ulagali zaposlenici Ministarstva u saradnji sa domaćim i međunarodnim organizacijama i institucijama na izvršavanju poslova iz svoje nadležnosti a posebno stvaranju preduslova za provođenje reforme obrazovanja su evidentni. Pored, Godišnjim programom rada, planiranih aktivnosti za 2008. godinu urađeno je daleko više poslova i zadataka.

Sve aktivnosti koje su Programom rada za 2008. godinu planirane uglavnom su realizirane izuzev adaptacije školskih objekata i nabavke nastavnih sredstava i učila, odnosno opremanja kabineta zbog ograničenih sredstava po programu kapitalnih ulaganja.

Prema Pravilniku o unutrašnjoj organizaciji Ministarstva, poslovi se obavljaju u okviru slijedećih organizacionih jedinica:

1. Odjeljenje za obrazovanje i nauku, sa unutrašnjim organizacionim jedinicama: Odsjek za obrazovanje i nauku i Odsjek za saobraćajnu edukaciju
2. Odjeljenje za ekonomsko – finansijske poslove
3. Odjeljenje za kulturu i sport
4. Inspektorat

Dio poslova obavljaju državni službenici i namještenici, izvan organizacionih jedinica, koji su neposredno odgovorni ministru.

Poslove i radne zadatke iz nadležnosti Ministarstva vrši i Pedagoški zavod kao upravna organizacija u sastavu Ministarstva.

2. ODJELJENJE ZA OBRAZOVANJE I NAUKU

2.1. ODSJEK ZA OBRAZOVANJE I NAUKU

2.1.1. BAZA PODATAKA ZA PREDŠKOLSKE USTANOVE, OSNOVNE I SREDNJE ŠKOLE

Za potrebe Ministarstva svake školske godine vodi se i ažurira baza podataka za predškolske ustanove, osnovne i srednje škole. Bazu podataka čine podaci o broju i strukturi djece u predškolskim ustanovama, učenika u osnovnim i srednjim školama, podaci o školskom prostoru i opremi, kao i podaci o zaposlenicima u predškolskim ustanovama, osnovnim i srednjim školama.

PREGLED - BROJ USTANOVA, UČENIKA I ZAPOSLENIKA

Javne ustanove	Broj ustanova	Broj područnih škola/fakulteta	Broj odjeljenja	Broj djece/učenika /studenta	Broj zaposlenih
Obdaništa	9		71	1883	231
Osnovne škole	88	130	2238	51144	4266
Srednje škole	33		871	24370	2055
Univerzitet	1	13		15304	770
UKUPNO	131	143	3180	92701	7322

2.1.2. PREDŠKOLSKI ODGOJ I OBRAZOVANJE

Na području Tuzlanskog kantona radi 9 javnih predškolskih ustanova čiji su osnivači općinska vijeća: Banovića, Doboj Istoka, Gračanice, Gradačca, Kladnja, Lukavca, Srebrenika, Tuzle i Živinica i 1 privatno obdanište (Obdanište "Aladin" Tuzla).

U općinama Čelić, Kalesija, Sapna i Teočak nema predškolskih ustanova.

Predškolskim odgojem i obrazovanjem obuhvaćeno je 1.883 djece u 71 odgojnoj grupi, a zaposleno 231 zaposlenika, od čega je 133 odgojno-obrazovnog osoblja i 98 ostalih (medicinske sestre, njegovateljice, kuharice, ložači, administrativno-finanjski zaposlenici i čistačice).

2.1.3. OSNOVNI ODGOJ I OBRAZOVANJE

Na području Tuzlanskog kantona radi 89 osnovnih škola, od toga:

- 85 redovnih osnovnih škola,
- 1 privatna redovna osnovna škola - Međunarodna osnovna škola Tuzla,
- 2 specijalne osnovne škole,
- 1 paralelna osnovna muzička škola - u Tuzli. Pored toga u sastavu slijedećih osnovnih škola rade odjeljenja paralelne osnovne muzičke škole:
 - JU Osnovna škola "Grivice" Banovići,
 - JU Osnovna škola "Hasan Kikić" Gračanica,
 - JU Osnovna škola "Dr. Safvet - beg Bašagić" Gradačac,
 - JU Prva osnovna škola Srebrenik,
 - JU Prva osnovna škola Živinice.

U sastavu 88 osnovnih škola radi 130 podružnih škola, od toga 5 osmorazrednih i 125 četverorazrednih.

Na području Tuzlanskog kantona obrazovni proces realizira se ukupno u 219 školskih objekata.

U osnovnim školama u drugom polugodištu školske 2007/2008. godine nastavu je pohađalo 51.144 učenika raspoređenih u 2.238 odjeljenja od čega 2.033 redovnih i 205 kombinovanih odjeljenja sa 3.478 učenika.

Prosječan broj učenika po odjeljenju u osnovnim školama je oko 23 učenika (u redovnim čistim odjeljenjima prosječan broj učenika je 23,37 učenika, a u kombinovanim odjeljenjima je prosječno 16,96 učenika).

Prema polnoj strukturi od 51.144 učenika: 48,48% su učenice, a 51,52% su učenici.

Prema nacionalnoj strukturi od 51.144 učenika: 94,04% su bošnjaci, 3,65% hrvati, 0,45% srbi i 1,85% ostali.

Prema podacima iz Godišnjih programa rada, u školskoj 2008/2009. godini osnovni odgoj i obrazovanje pohađa 50.437 učenika raspoređenih u 2.187 odjeljenja. Dakle u školskoj 2008/2009. godini u odnosu na prošlu školsku godinu osnovnu školu pohađa 707 učenika manje.

U 88 osnovnih škola u školskoj 2007/2008. godini zaposleno je ukupno 4.266 zaposlenika, od čega je: 88 direktora, 28 pomoćnika direktora, 88 pedagoga, 45 defektologa, 1.743 nastavnika predmetne nastave, 1.280 nastavnika razredne nastave, 112 vjeroučitelja, 43 bibliotekara, 88 sekretara, 32 administrativnih zaposlenika, 56 finansijskih zaposlenika, 88 domara, 78 ložača, 497 zaposlenika na održavanju higijene.

Prema polnoj strukturi od 4.266 zaposlenika ženskog spola je 62,87%, a muškog spola je 37,13%.

Po obliku zaposlenja od 4.266 zaposlenika 3.194 zaposlenika radi na neodređeno vrijeme ili 74,87%. Na određeno vrijeme radi 815 zaposlenika ili 19,10%, pripravnika je 195 ili 4,57%, po ugovoru o djelu angažovano je 62 zaposlenika ili 1,45%.

U ovoj strukturi dat je broj izvršilaca bez obzira na broj časova koje realiziraju, odnosno dat je i broj izvršilaca koji nemaju punu sedmičnu normu.

U osnovnim školama, kad je u pitanju napredovanje nastavnika ima, 732 nastavnika mentora i 212 nastavnika savjetnika.

2.1.3.1. Devetogodišnje osnovno obrazovanje

Na području Tuzlanskog kantona postepeno se sa osmogodišnjeg osnovnog odgoja i obrazovanja prelazi na devetogodišnje. Nova koncepcija devetogodišnjeg odgoja i obrazovanja obuhvatila je mlađu

populaciju obaveznim osnovnim odgojem i obrazovanjem, a osnovni odgoj i obrazovanje traje devet školskih godina.

Trenutno imamo situaciju da svi učenici u I, II i III razredu pohađaju devetogodišnje osnovno obrazovanje. U IV razredu od ukupno 6.060 učenika raspoređenih u 297 odjeljenja njih 4.309 raspoređenih u 210 odjeljenja pohađa devetogodišnje obrazovanje, a 1.751 učenik raspoređen u 87 odjeljenja pohađa osmogodišnje obrazovanje. Peti razred ukupno pohađa 8.441 učenik raspoređen u 375 odjeljenja. Od njih 2.370 učenika raspoređenih u 113 odjeljenja pohađa devetogodišnje obrazovanje, a 6.071 učenik raspoređen u 262 odjeljenja pohađa osmogodišnje obrazovanje. U VI, VII i VIII razredu primjenjuje se nastavni plan i program osmogodišnje osnovne škole.

Za područje Federacije prvo se donose Okvirni nastavni plan i program, koji kantoni uz određene manje korekcije donose i realiziraju. Urađeni su novi nastavni planovi i programi od I do V razreda devetogodišnje osnovne škole. Okvirni Nastavni plan i program za VI razred je u fazi prihvatanja od Koordinacije ministara obrazovanja, a Nastavni plan i program za VII razred je u fazi kreiranja.

Uvođenje novih Nastavnih planova i programa devetogodišnje osnovne škole zahtijevalo je i nove udžbenike, tako da su od ove školske godine u upotrebi novi udžbenici za peti razred devetogodišnje osnovne škole.

2.1.3.2. Saradnja sa Upravnim tijelom za implementaciju Konceptije devetogodišnjeg osnovnog obrazovanja.

Na federalnom nivou radi Upravno tijelo za implementaciju Konceptije devetogodišnjeg osnovnog obrazovanja. U radu Upravnog tijela i stručnih komisija učestvuju i predstavnici Ministarstva, Pedagoškog zavoda kao i istaknuti stručnjaci iz škola. Urađena Konceptija devetogodišnjeg osnovnog obrazovanja je dobila podršku svih kantonalnih ministarstava obrazovanja i prezentovana je svim direktorima i pedagozima osnovnih škola.

Ministarstvo je donijelo Nastavni plan i program za peti razred devetogodišnje osnovne škole po kojem se realizira nastava u petom razredu u osnovnim školama na području Tuzlanskog kantona.

U svim osnovnim školama primjenjuju se novi Nastavni planovi i programi devetogodišnjeg osnovnog odgoja i obrazovanja za I, II i III razred. U IV i V razredu određen broj učenika pohađa nastavu po Nastavnom planu i programu devetogodišnje osnovne škole, a određen broj učenika po Nastavnom planu i programu osmogodišnje osnovne škole. To je rezultat uvođenja devetogodišnjeg osnovnog obrazovanja u tri faze, odnosno kako su se sticali optimalni uvjeti, posebno kada se radi o obuci nastavnika. U VI, VII i VIII razredu primjenjuje se Nastavni plan i program osmogodišnje osnovne škole.

Uvođenje novih Nastavnih planova i programa devetogodišnje osnovne škole zahtijevalo je i nove udžbenike, tako da su od ove školske godine u upotrebi novi udžbenici za peti razred devetogodišnje osnovne škole.

2.1.3.3. Upis učenika u prvi razred devetogodišnje osnovne škole

Od februara 2008. godine vođene su aktivnosti na upisu učenika u prvi razred devetogodišnje osnovne škole, odnosno prvi razred srednje škole. U prvi razred devetogodišnje osnovne škole upisano je 4.723 učenika razvrstanih u 213 odjeljenja.

Da bi se upis učenika u prvi razred devetogodišnje osnovne škole što kvalitetnije obavio, bilo je neophodno izvršiti opsežne pripreme u osnovnim školama.

U ovoj godini intenzivirane su aktivnosti na obuhvatu što većeg broja Roma u osnovnim školama i stvaranju uvjeta za njihovo redovno pohađanje nastave, a tome doprinosi angažovanje referenta za romska pitanja.

2.1.3.4. Besplatni udžbenici za učenike osnovnih škola

Ove godine Federalna vlada je izdvojila sredstva u iznosu od 8.000.000,00 KM za nabavku udžbenika za učenike osnovnih škola na području Federacije Bosne i Hercegovine, i to za sve učenike od I do IV razreda, kao i za četiri kategorije učenika od V do VIII razreda. To su: učenici poginulih boraca, učenici romske nacionalnosti, učenici iz porodica koje su u stanju socijalne potrebe i učenici iz porodica u kojim troje ili više djece pohađa osnovnu, srednju ili visoku školu. Ministarstvu obrazovanja, nauke, kulture i sporta Tuzlanskog kantona raspoređeno je 1.696.000,00 KM.

Ministarstvo obrazovanja, nauke, kulture i sporta Tuzlanskog kantona provelo je postupak javne nabavke udžbenika za učenike osnovnih škola putem pregovaračkog postupka sa jednim dobavljačem, bez objavljivanja obavještenja o javnoj nabavci, u skladu sa Zakonom o javnim nabavkama a na osnovu Odluke o utvrđivanju Kriterija za nabavku i raspodjelu udžbenika za učenike osnovnih škola broj: 10/1-38-5575/08 od 03.07.2008. godine na koju je saglasnost dala Vlada Tuzlanskog kantona svojom Odlukom broj: 02/1-38-5603/08 od 08.07.2008. godine. Udžbenici su školama dostavljeni do 20. septembra, ali zbog netačnih odnosno nepotpunih podataka, dostavljenih od strane roditelja djece koja pripadaju socijalno ugroženim kategorijama, odnosno podataka dostavljenih iz škola, kao i promjena u broju upisanih učenika u prvom razredu, moralo se pristupiti dodatnoj nabavci i potpisivanju anexa ugovora, zbog čega je postupak nabavke završen krajem oktobra.

Za nabavku besplatnih udžbenika Ministarstvo je zaključilo 35 ugovora i anexa ugovora sa 13 dobavljača pri čemu je nabavljeno 179.789 udžbenika i utrošeno 1.467.421,43 KM.

Za 20.553 učenika od I do IV razreda devetogodišnjeg obrazovanja i IV razreda osmogodišnjeg obrazovanja nabavljeno je 134.001 udžbenika, na što je utošen iznos od 1.082.283,37 KM, dok je za učenike iz socijalno ugroženih kategorija od V do VIII razreda osmogodišnjeg obrazovanja i V razreda devetogodišnjeg obrazovanja nabavljeno 45.788 udžbenika, na što je utrošen iznos od 385.138,06 KM.

Za učenike od V do VIII razreda nabavljeno je ukupno udžbenika za 4.192 učenika, ili po kategorijama:

- ✓ za 598 učenika romske nacionalnosti,
- ✓ za 1.644 učenika iz porodica koje su u stanju socijalne potrebe,
- ✓ za 1.314 učenika iz porodica u kojim troje ili više djece pohađa osnovnu, srednju ili visoku školu i
- ✓ za 636 učenike poginulih boraca.

Uz saglasnost Federalnog ministarstva obrazovanja i nauke od neutrošenih 231.122,08 KM za besplatne udžbenike nabavljeno je još 2.734 kompleta udžbenika za V razred devetogodišnje škole i 500 udžbenika njemačkog jezika.

2.1.3.5. Obuhvat djece romske nacionalnosti osnovnim obrazovanjem

U osnovnim školama na području Tuzlanskog kantona nastavu pohađa 861 učenik pripadnik romske nacionalnosti.

Ministarstvo je angažovalo referenta za romska pitanja, što je doprinijelo većim obuhvatom romske djece obrazovanjem, kao i pohađanjem nastave u višim razredima.

Za školsku 2008/2009. godinu Federalno ministarstvo obrazovanja i nauke obezbjedilo je finasijska sredstva, a Ministarstvo obrazovanja, nauke, kulture i sporta Tuzlanskog kantona provelo proceduru nabavke besplatnih udžbenika za učenike romske nacionalnosti od I do VIII razreda.

2.1.3.6. Prijevoz učenika osnovnih škola

Za prijevoz učenika osnovnih škola u 2008. godini predviđena su sredstva u iznosu od 1.700.000,00 KM. U skladu sa Odlukom Vlade o utvrđivanju Kriterija za subvencioniranje troškova prijevoza učenika osnovnih škola za 2008. godinu, predviđeno je finansiranje prijevoza svih učenika osnovnih škola koji putuju od kuće do škole više od 4 km, u skladu sa utvrđenim kriterijima.

Na osnovu evidencije o broju učenika koji putuju od kuće do škole pravo prema Kriterijima za besplatan prijevoz ostvaruje 2.252 učenika u linijskom saobraćaju i 694 učenika u vanlinijskom prijevozu.

2.1.4. SREDNJE OBRAZOVANJE I ODGOJ

Na području trinaest općina Tuzlanskog kantona rade 33 srednje škole. Prema strukturi srednjih škola imamo:

- ✓ 7 gimnazija,
- ✓ 2 tehničke škole,
- ✓ 1 umjetničku školu,
- ✓ 1 vjersku školu,
- ✓ 5 mješovitih u čijem sastavu su gimnazija, tehničke i stručne škole,
- ✓ 17 mješovitih u čijem sastavu su tehničke, stručne i umjetničke škole.

U 33 srednje škole u drugom polugodištu školske 2007/2008. godine nastavu je pohađalo 24.370 učenika raspoređenih u 871 odjeljenja.

Broj učenika po vrstama škola:

- 5.258 učenika pohađa gimnaziju ili 21,57%,
- 12.248 učenika pohađa tehničke škole ili 50,25%,
- 6.182 učenika pohađa stručne škole ili 25,36%,
- 182 učenika pohađa umjetničke škole ili 0,74% i
- 500 učenika pohađa vjersku školu ili 2,05%.

Prema polnoj strukturi od 24.370 učenika: 48,58% su učenice i 51,42% su učenici.

Prema nacionalnoj strukturi od 24.370 učenika: 93,66% su bošnjaci, 4,71% hrvati, 0,46% srbi i 1,16% ostali.

Prema podacima iz Godišnjih programa rada, u školskoj 2008/2009. godini srednje obrazovanje i odgoj pohađa 22.288 učenika raspoređenih u 827 odjeljenja. Dakle u školskoj 2008/2009. godini u odnosu na prošlu školsku godinu srednju školu pohađa 2.082 učenika manje.

U 33 srednje škole radi ukupno 2.055 zaposlenika, od toga 1.614 u nastavi, 33 direktora, 33 pedagoga, 22 koordinatora praktične nastave, 23 vjeroučitelja, 22 bibliotekara, 33 sekretara, 21 administrativnih zaposlenika, 26 finansijskih zaposlenika, 14 saradnika u nastavi, 33 domara, 12 ložača, 3 portira, 166 zaposlenik na održavanju higijene.

Prema polnoj strukturi od 2.055 zaposlenika 1.073 su žene ili 52,21% i 982 muškarci ili 47,78%.

Po obliku zaposlenja od 2.055 zaposlenika 1.364 zaposlenika radi na neodređeno vrijeme ili 66,37%. Na određeno vrijeme radi 395 zaposlenika ili 19,22%, pripravnika je 90 ili 4,37%, po ugovoru o djelu angažovano je 206 lica (deficitaran kadar za stručne premete: medicinske, farmaceutske, stomatološke, geodetske, saobraćajne struke) ili 10,02%.

U ovoj strukturi dat je broj izvršilaca bez obzira na broj časova koje realiziraju, odnosno dat je i broj izvršilaca koji nemaju punu sedmičnu normu.

U srednjim školama 327 nastavnika/profesora imaju zvanje nastavnik/profesor mentori i 159 zvanje nastavnik/profesor savjetnik.

2.1.4.1. Upis učenika u prvi razred srednje škole

Aktivnosti oko upisa učenika u prvi razred srednjih škola tekle su planiranom dinamikom od februara do avgusta 2008 godine. Da bi se upis učenika u prvi razred srednje škole obavio što kvalitetnije, prema potrebama društvene zajednice i tržišta rada, tražena su mišljenja: Kantonalne službe za zapošljavanje, Privredne komore TK, te prijedlozi srednjih škola i općinskih vijeća. Planom upisa u srednje škole omogućeno je da se svi učenici koji su završili osnovno obrazovanje mogu upisati u neku od srednjih škola na području Kantona.

Tokom upisa učenika u prvi razred srednjih škola u dva junska roka iskazan je izuzetno veliki interes za upis u sva stručna zvanja medicinske i ekonomske struke.

U prvi razred srednjih škola u školskoj 2008/2009. godini upisano je 5.193 učenika.

Ministarstvo preko Plana upisa učenika u prvi razred srednje škole radi na tome da se u školama obrazuju kadrovi potrebni privredi i društvu, ali mora se istaći da učenici i njihovi roditelji nemaju intres za upis u ona zanimanja i stručna zvanja koja trenutno trebaju tržištu rada.

Ministarstvo pri donošenju Nacrta plana upisa učenika vodi računa o upisu ženske populacije u prvi razred srednjih škola kod nekih stručnih zvanja i zanimanja koja su atraktivna za žensku populaciju, tako da se prihvaćaju prijedlozi škola i općinskih vijeća, iako se veliki broj lica sa tim stručnim zvanjima i zanimanjima nalaze na evidenciji lica koja traže posao (napr. prodavač i ekonomski tehničar i dr.).

2.1.4.2. Implementacija EU-VET I, EU-VET II i EU-VET 3 Programa

U tehničkim i stručnim školama postepeno se uvode modularni nastavni planovi i programi. U toku je potpuna implementacija EU-VET I i EU-VET II Programa u više srednjih škola u kojima se obrazuju učenici za slijedeće porodice zanimanja:

- poljoprivreda i prerada hrane,
- ugostiteljstvo i turizam,
- ekonomija, pravo, administracija i trgovina,
- geodezija i građevinarstvo,
- šumarstvo i obrada drveta.

Predstavnici Ministarstva i pet pilot škola iz reda nastavnika i direktora u 2008. godini takođe aktivno sudjeluju u realizaciji programa EU za stručno obrazovanje i obuku EU VET 3. Program EU VET 3 realizira kreiranje novih modularnih nastavnih planova i programa za slijedeće porodice zanimanja:

- geologija, rudarstvo i metalurgija,
- hemija, nemetali i grafičarstvo,
- tekstil i kožarstvo,
- saobraćaj,
- zdravstvo,
- ostala zanimanja.

U JU Mješovita srednja elektrotehnička škola Tuzla počela je realizacija modularnih nastavnih planova i programa koji su razvijeni u saradnji sa GTC za četiri stručna zvanja i tri zanimanja elektro struke.

2.1.5. VREDNOVANJE OSNOVNIH I SREDNJIH ŠKOLA

Vrednovanje osnovnih i srednjih škola, u skladu sa Instrumentarijem za vrednovanje, obavljeno je po okončanju školske godine, sačinjena rang lista škola po broju osvojenih bodova, a najboljim školama su dodjeljene novčane nagrade.

Ove godine dvadeset osnovnih škola, koje su ostvarile najbolje rezultate na vrednovanju osnovnih škola u školskoj 2006/2007. godini, u četiri kategorije, dobilo je nagrade u kompletima knjiga za lekturu. Jedan komplet knjiga za lekturu broji 32 naslova, a dvadeset škola je dobilo šezdeset kompleta knjiga u vrijednosti od oko 27.000,00 KM.

Dvanaest srednjih škola, koje su ostvarile najbolje rezultate na vrednovanju srednjih škola u školskoj 2006/2007. godini dobilo je nagradu u elektronskoj opremi: 6 škola po laptop, 1 škola kopir aparat, 1 škola video projektor, 2 škole po računar, 2 škole po kameru, TV aparat sa DVD. Ukupna vrijednost nabavljene elektronske opreme je 17.999,23 KM.

2.1.6. TAKMIČENJA UČENIKA

Ministarstvo tradicionalno posebnu pažnju posvećuje takmičenju učenika osnovnih i srednjih škola iz matematike, fizike, hemije, biologije, informatike, tehničke kulture, engleskog jezika, kulturno-umjetničkog stvaralaštva. Za realizaciju takmičenja Pedagoški zavod Tuzla, uz angažman istaknutih nastavnika škola, pruža stručnu pomoć, a Ministarstvo je u skladu sa mogućnostima finansijski podržavalo kantonalna, državna i međunarodna takmičenja učenika, koja su održana u 2008. godini. I ove godine učenici osnovnih i srednjih škola su postigli zavidne rezultate. Ovim takmičenjima obuhvaćeno je oko 9.000 učenika osnovnih i 2.500 učenika srednjih škola.

Posebno su masovana sportska takmičenja, koja se realiziraju od općinskog do federalnog nivoa. I ove godine naši učenici su postigli zavidne rezultate u košarci, odbojci i atletici.

Učenicima koji su na kantonalnom, federalnom, državnom i međunarodnom takmičenju osvojili prvo, drugo i treće mjesto, Ministarstvo obrazovanja, nauke, kulture i sporta Tuzlanskog kantona obezbijedilo je prigodne nagrade u obliku jednokratnih stipendija, u skladu sa Kriterijima. Nagrade su učenicima uručene na Manifestaciji promocije učenika koji su osvojili prvo, drugo i treće mjesto u Bosanskom kulturnom centru, uz prigodan kulturno-umjetnički program. Nagrađeno je 223 učenika, a za nagrade je izdvojeno 21.570,00 KM.

2.1.7. PROMOCIJA UČENIKA GENERACIJE

Tradicionalno je i ove godine u organizaciji Ministarstva i Pedagoškog zavoda održana šesta manifestacija Promocije učenika generacije osnovnih i srednjih škola. Na Manifestaciji su 122 učenika generacije osnovnih i srednjih škola, u skladu sa Kriterijima, dodjeljene prigodne nagrade. Visina jednokratne stipendije koju su dobili promovisani učenici generacije je 150,00 KM. Manifestaciji su prisustvovali učenici, roditelji učenika, nastavnici i direktori, a manifestacija je praćena prigodnim kulturno-umjetničkim programom.

2.1.8. SMOTRA KULTURNOUMJETNIČKOG STVARALAŠTVA

U organizaciji Ministarstva i Pedagoškog zavoda organizovana je Smotra kulturno-umjetničkog stvaralaštva učenika osnovnih i srednjih škola. Ove godine na VII Smotri kulturno-umjetničkog stvaralaštva

osnovnih i srednjih škola uzelo je učešće preko 20.000 učenika osnovnih i srednjih škola, kao i jedna predškolska ustanova. Završna manifestacija Smotre kulturnoumjetničkog stvaralaštva osnovnih i srednjih škola održana je 1. marta 2008. godine u Bosanskom kulturnom centru. Na završnoj manifestaciji najbolje plasirani predstavnici iz škola, poslije općinskih i kantonalnih takmičenja, su prezentirali svoja dostignuća u sedam kategorija: drama, recitacija, recital, muzičko stvaralaštvo, likovno stvaralaštvo, folklor i moderni ples. Na taj način se može steći uvid u mali dio aktivnosti koje učenici sa svojim nastavnicima realiziraju u okviru slobodnih aktivnosti koje se planiraju Godišnjim programima rada škola.

2.1.9. INFORMATIZACIJA OSNOVNIH I SREDNJIH ŠKOLA

Od 88 osnovnih škola 82 škole su priključene na internet, s tim što u 64 osnovne škole priključak interneta koristi samo menadžment i administracija, a u 18 osnovnih škola internet koriste zaposlenici i učenici. U 18 osnovnih škola internet koristi 10.520 učenika što je 20% ukupnog broja učenika osnovnih škola. 86 osnovnih škola ima kabinet informatike, dok samo JU Osnovna muzička škola Tuzla i JU Zavod za odgoj i obrazovanja učenika sa smetnjama u psihičkom i tjelesnom razvoju nemaju kabinet informatike. Broj računara u kabinetima informatike u osnovnim školama je 797, što je oko 9 računara po školi.

Od 33 srednje škole 31 škola je priključena na internet. U 10 srednjih škola internet koristi isključivo menadžment i administracija, a u 21 srednjoj školi internet koriste i učenici i zaposlenici. U 21 srednjoj školi, pored menadžmenta, internet koriste zaposlenici i učenici škole. Internet koristi 14.157 učenika ili oko 60% ukupnog broja učenika srednjih škola. Sve srednje škole, osim Srednje muzičke škole imaju kabinete informatike. Broj računara u srednjim školama je 549, što je preko 18 računara po školi.

Vrsta pristupa internetu u osnovnim školama je sljedeća:

Vrsta pristupa	Procenat od ukupnog broja škola
Dial-Up – obična telefonska linija	47 %
ISDN ili ADSL	33 %
Bežični	20 %

Vrsta pristupa internetu u srednjim školama je sljedeća:

Vrsta pristupa	Procenat od ukupnog broja škola
Dial-Up – obična telefonska linija	7 %
ISDN ili ADSL	79 %
Bežični	14 %

U posljednjih 3 godine izuzetno je povećan broj internet prezentacija osnovnih i srednjih škola. Tako da danas imamo 65% osnovnih škola i 82% srednjih škola koje imaju svoju vlastitu web stranicu i na kojoj prezentiraju svoje aktivnost i rezultate.

2.1.10. ZDRAVSTVENO OSIGURANJE UČENIKA

Ministarstvo je kontinuirano rješavalo zahtjeve za odobravanje sredstava za uplatu doprinosa za zdravstveno osiguranje učenika, koji pravo na zdravstveno osiguranje ne mogu ostvariti po drugom osnovu. Tako je u izvještajnom periodu donesena 217 odluka.

2.1.11. TEHNOLOŠKI VIŠAK - ZBRINJAVANJE ZAPOSLENIKA KOJI SU DJELIMIČNO ILI POTPUNO OSTALI BEZ RADNIH ZADATAKA

Ministarstvo je radilo na zbrinjavanju zaposlenika koji su djelimično ili potpuno ostali bez radnih zadataka u školskoj 2008/09. godini. Komisije imenovane rješenjima Vlade Kantona su izvršile obradu predmeta, donijele odluke o raspoređivanju i izvršile kontrolu realizacije odluka u osnovnim i srednjim školama.

Komisija za zbrinjavanje zaposlenika za čijim radom je prestala potreba u osnovnom odgoju i obrazovanju u cijelosti ili djelomično (tehnološki višak) je izvršila zbrinjavanje 90 zaposlenika osnovnih škola.

Zbirno po nastavnim predmetima iskazan je sljedeći tehnološki višak:

- razredna nastava: 30 nastavnika
- tehnički odgoj i informatika: 11 nastavnika
- tjelesni i zdravstveni odgoj: 9 nastavnika
- muzička kultura: 6 nastavnika
- biologija i hemija: 5 nastavnika
- bosanski, hrvatski, srpski jezik i književnost: 4 nastavnika
- matematika i fizika: 4 nastavnika
- likovna kultura: 4 nastavnika
- historija i geografija: 3 nastavnika
- islamska vjeronauka: 1 nastavnik
- sociologija: 1 nastavnik
- administrativno finansijski zaposlenik: 5 izvršilaca
- bibliotekar: 3 izvršioca
- čistačice: 2 izvršioca
- domar: 1 izvršilac
- ložač: 1 izvršilac

Najveći broj nastavnika koji su iskazani kao tehnološki višak je u osnovnim školama općine Tuzla - 28 nastavnika, zatim u općinama: Lukavac - 16, Banovići i Gračanica po 11, Srebrenik - 10 itd.

Komisija za zbrinjavanje zaposlenika za čijim radom je prestala potreba u ustanovama osnovnog odgoja i obrazovanja za ovu školsku godinu je zbrinula sav tehnološki višak tako da je doneseno 90 odluka kojima su zaposlenici raspoređeni u druge škole.

Komisija za zbrinjavanje zaposlenika za čijim radom je prestala potreba u srednjem obrazovanju u cijelosti ili djelomično (tehnološki višak) je izvršila zbrinjavanje 41 zaposlenika iz 33 srednje škole. Od toga 38 zaposlenika koji realiziraju nastavu.

Zbirno po nastavnim predmetima iskazan je slijedeći tehnološki višak:

- tjelesni i zdravstveni odgoj: 43 časa
- historija: 42 časa
- geografija: 41 čas
- demokratija i ljudska prava: 34 časa
- matematika: 25 časova
- bosanski, hrvatski, srpski jezik i književnost: 23 časa,
- sociologija: 20 časova
- njemački jezik: 17 časova,
- kuharstvo: 14 časova
- islamska vjeronauka: 8 časova
- filozofija: 6 časova
- likovna kultura: 5 časova
- ekonomska grupa predmeta: 4 časa
- praktična nastava za zanimanje trgovac: 14 časova
- rudarska grupa predmeta: 14 časova
- hemijsko-tehnološka grupa predmeta: 18 časova
- mašinska grupa predmeta: 21 čas
- tekstilna grupa predmeta: 21 čas
- poljoprivredna grupa predmeta: 21 čas
- defektolog: 1 izvršilac
- administrativni radnik: 2 izvršioca

Komisija za zbrinjavanje zaposlenika za čijim radom je prestala potreba u ustanovama srednjeg obrazovanja za ovu školsku godinu je zbrinula sav tehnološki višak tako da su donesene 41 odluke kojima su zaposlenici raspoređeni u druge škole.

Osnovni kriterij prema kojima su radile komisije je prednost prema broju bodova, blizina škole, kao i potreba škole koja prima tehnološki višak.

Smanjenje broja učenika koji se upisuju u prvi razred osnovne i srednje škole je i dalje ograničavajući faktor u definisanju politike prijema zaposlenika na neodređeno radno vrijeme.

2.1.12. STRUČNO USAVRŠAVANJE ZAPOSLENIKA

Na prijedlog Pedagoškog zavoda Tuzla, Ministarstvo je dalo saglasnost za realizaciju stručnog usavršavanja nastavnika i stručnih saradnika u predškolskim ustanovama, osnovnim i srednjim školama.

U 2008. godini realiziraju se programi stručnog usavršavanja za koje je obezbijedena finansijska podrška u iznosu od 100.000,00 KM.

Izvršena je obuka nastavnika razredne nastave koji će ove školske godine voditi prvi razred devetogodišnje škole, održani su seminari za nastavnike - profesore engleskog jezika, nastavnike - profesore bosanskog, hrvatskog i srpskog jezika i književnosti, za nastavnike - profesore biologije i hemije, fizike, sociologije itd.

Do kraja ove godine bit će realizovani i ostali planirani oblici stručnog usavršavanja predviđeni Programom.

2.1.13. POLAGANJE STRUČNIH ISPITA

U izvještajnom periodu Ministarstvo je u saradnji sa Pedagoškim zavodom organiziralo tri ispitna roka za polaganje stručnih ispita za odgajatelje, nastavnike, profesore i stručne saradnike predškolskih ustanova, osnovnih i srednjih škola. Polaganju stručnog ispita pristupilo je ukupno 311 kandidata. Urađeno je 36 rješenja za ispitne komisije za polaganje stručnih ispita. Takođe su urađena i izdata uvjerenja o ploženom stručnom ispitu odgajateljima, nastavnicima i profesorima koji su položili stručni ispit za samostalan rad u odgojno-obrazovnim ustanovama.

2.1.14. KAPITALNA ULAGANJA

Budžetom za 2008. godinu planirana su sredstva programom kapitalnih ulaganja od cca 855.000,00 KM za nastavak ili početak izgradnje i dogradnje školskih objekata: JU OŠ "Doborovci" Gračanica, PŠ Pribava, PŠ Požerike, JU OŠ "Musa Čazim Čatić", Gradačac, PŠ Crijevčići, fiskulturne sale u PŠ Vitinica, PŠ Devetak, za aneks JU OŠ "Kalesija", PŠ Sniježnica, PŠ Ciljuge. Takođe su usmjerena određena sredstva za izgradnju centralnog grijanja u: PŠ Kuljan, PŠ Buk, PŠ Velino Selo, PŠ Orahovica.

Kako bi se osigurali povoljniji uslovi za realizaciju nastavnog procesa, odnosno ostvarili sigurniji i humaniji uvjeti rada osnovnih i srednjih škola uz bolje higijensko okruženje za boravak učenika Budžetom za 2008. godinu planirana su sredstva za kapitalna ulaganja u iznosu od cca. 3.000.000,00 KM, i to za rekonstrukciju školskih objekata. Najčešće su škole sredstva ulagale u rekonstrukciju mokrih čvorova, krovova, oluka, stolarije, podova, centralnog grijanja i elektroinstalacije itd.

Isto tako iz budžeta je uloženo cca 52.200,00 KM za instaliranje alarmnih sistema u osamnaest osnovnih i srednjih škola.

Po programu raspodjele sredstava iz Budžeta usmjereno je 200.000,00 KM za nastavak gradnje ili rekonstrukcije JU Gimnazija Živinice, Područne škole Pribava, JU Osnovna škola "Tušanj" Tuzla, fiskulturne sale pri JU Druga osnovna škola Srebrenik.

Kako bi se u narednom periodu nastavilo sa rekonstrukcijom mokrih čvorova, krovova, oluka, stolarije, podova, centralnog grijanja i elektroinstalacije u objektima osnovnih i srednjih škola potrebno je da se u Budžetu za 2009. godinu planiraju sredstva za rekonstrukcije, zatim za nabavku opreme i nastavnih sredstava, kao i da se realiziraju započeti projekti izgradnje i dogradnje novih i postojećih objekata centralnih i područnih škola.

2.1.15. ŠKOLSKI PROSTOR

Nedostatak adekvatnog školskog prostora je jedan od limitirajućih faktora modernizacije obrazovanja u Tuzlanskom kantonu. Prostorni uvjeti značajno utiču na kvalitet realizacije nastavnog procesa i kvalitet učeničkih znanja, jer je organizacija redovne nastave i realizacija vannastavnih aktivnosti kao i korištenje postojeće opreme u funkciji raspoloživog prostora.

I pored smanjenja broja učenika u osnovnim i srednjim školama, u pojedinim općinama postoji problem nedostatka školskog prostora. Naročito je to izraženo u područjima intenzivne gradnje, odnosno doseljavanja stanovnika. Nedostatak školskog prostora izražen je u općinama Živinice, Kalesija, Gradačac i Srebrenik:

- ✓ u općini Živinice potrebno je izgraditi područne škole u mjesnim zajednicama Ciljuge i Litva,

- ✓ u Gradačcu područnu školu u mjesnoj zajednici Požarike, ali i rekonstrukcija i dogradnja područne škole Vučkovci,
- ✓ u Kalesiji je potrebna dogradnja 6 učionica i fiskulturna sala u JU Osnovna škola "Kalesija",
- ✓ u općini Srebrenik potrebno je izgraditi objekat gimnazije.

Devet osnovnih škola nema fiskulturnu salu:

- ✓ JU Osnovna škola "Brijesnica" Doboj Istok,
- ✓ JU Osnovna škola "Soko" Gračanica,
- ✓ JU Osnovna škola "Hasan Kikić" Gradačac,
- ✓ JU Osnovna škola "Edhem Mulabdić" Međeđa Donja, Gradačac,
- ✓ JU Osnovna škola "Hamdija Kreševljaković" Kamberi, Gradačac,
- ✓ JU Osnovna škola "Kalesija" Kalesija,
- ✓ JU Prva osnovna škola Srebrenik,
- ✓ JU Osnovna škola "Sjenjak" Tuzla,
- ✓ JU Osnovna škola "Živinice Gornje" Živinice

Deset srednjih škola nema fiskulturnu salu:

- ✓ JU Mješovita srednja škola Čelić,
- ✓ JU Mješovita srednja škola Doboj Istok,
- ✓ JU Mješovita srednja škola Teočak,
- ✓ JU Mješovita srednja hemijska škola Tuzla,
- ✓ JU Mješovita srednja škola Tuzla,
- ✓ JU Mješovita srednja elektrotehnička škola Tuzla,
- ✓ JU Mješovita srednja rudarska škola Tuzla,
- ✓ JU Srednja muzička škola Tuzla i
- ✓ JU Gimnazija Živinice.

2.1.16. PRIJEDLOZI ZA KAPITALNA ULAGANJA

1. U narednom periodu potrebno je ulagati sredstva za veće i bolje prostorne uslove u školama, trenutno je izražen nedostatak adekvatnog učioničkog prostora u:

- | | |
|----------------------------------------------------|------------|
| ✓ JU Druga osnovna škola Živinice | 8 učionica |
| ✓ JU Osnovna škola "Lukavac Grad" Lukavac | 2 učionice |
| ✓ JU Osnovna škola "Lukavac Mjesto" Lukavac | 2 učionice |
| ✓ JU OŠ "Mehmed beg Kapetanović Ljubušak" Gradačac | 3 učionice |
| ✓ JU OŠ "Edhem Mulabdić" Gradačac | 2 učionice |

Za JU Druga OŠ Živinice potrebno je izgraditi dvije PŠ na lokalitetima Ciljuge i Litva, zatim za JU OŠ "Mehmed beg Kapetanović Ljubušak" Srnice, Gradačac potrebno je izgraditi novi objekat PŠ Vučkovci. Potrebno je također nastaviti sa izgradnjom PŠ Požarike u sastavu OŠ "Ivan Goram Kovačić" Gradačac, kao i završiti započete radove na izgradnji OŠ "Doborovci" Gračanica. Počela je realizacija dogradnje šest učionica i fiskulturne sale JU OŠ "Kalesija" tako da je potrebno nastaviti sa izdvajanjima iz Budžeta.

Postojeći prostorni uslovi srednjih škola možemo konstatovati da trenutno zadovoljavaju potrebe učenika za srednjim obrazovanjem. Zahtjev za povećanje općeg srednjeg obrazovanja - gimnazijskog je sve izraženiji. Povećanje učešća gimnazijskog obrazovanja zahtijeva otvaranje novih gimnazija, odnosno povećanje kapaciteta sa sadašnjih 21% na 35% u narednom periodu, tj. do 2010. godine. U toku su završne aktivnosti na dogradnji školskog objekta gimnazije u Živinicama. A u pripremi je projekat za izgradnju novog objekta gimnazije u Srebreniku, čija je predračunska vrijednost cca 2.000.000,00 KM.

2. Nedostatak fiskulturnih sala u osnovnim i srednjim školama bitno utiče na realizaciju nastavnog predmeta tjelesni odgoj. Za izgradnju nedostajućih 19 fiskulturnih sala za osnovne i srednje škole potrebno je u narednom periodu, u skladu sa mogućnostima planirati sredstva.

3. Zbog starosti objekata i nedovoljnog ulaganja u investiciono održavanje potrebno je i u narednom periodu nastaviti sa rekonstrukcijom: krovova, fasada, stolarije, instalacija centralnog grijanja, sanitarnih prostorija, podova, i sl.

4. Školski namještaj je proteklih godina značajno obnovljen, međutim još uvijek ima potrebe za obnavljanjem jednog dijela školskog namještaja a pogotovo njegovog prilagođavanja dobu i uzrastu djece u devetogodišnjem osnovnom obrazovanju.

5. Modernizacija nastavnog procesa zahtijeva savremena nastavna sredstva i učila. Posebno je iskazana potreba za nabavkom nastavnih sredstava za kabinetsku nastavu hemije, biologije, fizike, informatike. Realizacija NPP u tehničkim i stručnim školama, takođe zahtijeva osavremenjavanje škola sa odgovarajućim kabinetima i radionicama za realizaciju praktične nastave.

2.1.17. EKVIVALENCIJA I NOSTRIFIKACIJA SVJEDODŽBI I DIPLOMA

Tokom izvještajnog perioda kontinuirano je provoden postupak ekvivalencije svjedodžbi završenih razreda osnovnih i srednjih škola i nostrifikacija svjedodžbi i diploma završenog osnovnog i srednjeg obrazovanja stečenih u inozemstvu. U izvještajnom periodu urađeno je 294 rješenja od toga 69 rješenja o ekvivalenciji svjedodžbi i 225 rješenja o nostrifikaciji svjedodžbi i diploma.

2.1.18. PREVENCIJA BOLESTI OVISNOSTI I MALOLJETNIČKOG NASILJA

Sve osnovne i srednje škole u saradnji sa vladinim i nevladinim organizacijama su permanentno radile na prevenciji bolesti ovisnosti i maloljetničkog nasilja. Aktivnosti se ostvaruju u saradnji sa pedagozima škola na časovima odjeljenjske zajednice i preko vannastavnih aktivnosti.

2.1.19. SARADNJA SA MEĐUNARODNOM ZAJEDNICOM NA REFORMI U OBLASTI OBRAZOVANJA

Zaposlenici Ministarstva su aktivno uključeni u sve aktivnosti koje vodi Međunarodna zajednica na reformi predškolskog, osnovnog i srednjeg obrazovanja. Aktivno se radilo na Nacrtu Zakona o predškolskom odgoju i obrazovanju koji je usaglašen sa Okvirnim zakonom o predškolskom odgoju i obrazovanju. Trenutno je Zakon u javnoj raspravi. Ministarstvo aktivno radi na Nacrtu zakona o srednjem stručnom obrazovanju i obuci, koji se radi na osnovu Okvirnog zakona o o srednjem stručnom obrazovanju i obuci.

Ministarstvo civilnih poslova radi na realizaciji novog projekata Restruktuiranje srednjeg obrazovanja, koji finansira Svjetska banka, zaposlenici Ministarstva su uključeni u realizaciju Projekta. Cilj projekta koji će trajati 4 godine je da se u strukturi srednjeg obrazovanja poveća učešće četverogodišnjeg srednjeg obrazovanja u BiH.

2.1.20. SARADNJA SA OSCE-A NA IMPLEMENTACIJI REFORME OBRAZOVNOG SISTEMA

Ministarstvo je nastavilo sa aktivnim učešćem u radu radnih grupa OSCE-a čiji rad se odnosi na reformu obrazovnog sistema na nivou države Bosne i Hercegovine i Koordinacione grupe na nivou BiH u razvoju i realizaciji EMIS Projekta.

U saradnji sa OSCE-om formirana je Regionalna radna grupa za obrazovanje koja organizira svakog mjeseca sastanke sa svim zainteresiranim ustanovama i institucijama iz oblasti obrazovanja. Na sastancima te Regionalne radne grupe za obrazovanje obrađuju se teme koje imaju za cilj unapređenje obrazovnog sistema u Bosni i Hercegovini.

2.1.21. IMPLEMENTACIJA PROJEKATA PODRŽANIH OD MEĐUNARODNIH I NEVLADINIH ORGANIZACIJA

U osnovnim školama na području Tuzlanskog kantona, u toku je implementacija projekta "Razvoj inkluzivnih škola kroz izgradnju lokalnih kapaciteta" koji se implementira uz pomoć Freudenberg fondacije, Catholich Relijef Services (CRS).

NO "Masters per Bosnia-Bosnia Viva" Barcelona-Malorka Ured za BiH Tuzla realizira seminar za nastavnike na temu "Kooperativni rad-osnovna postavka inkluzivne škole.

Udruženje "Društvo ujedinjenih građanskih akcija-Duga" Sarajevo realizira projekat "Inkluzivno obrazovanje".

Biro za ljudska prava Tuzla nastavio je realizaciju aktivnosti na planu prevencije maloljetničke delikvencije.

Udruženje "Vesta" Tuzla realizira projekat Prevencija i suzbijanje vršnjačkog nasilja u pet osnovnih škola. Također "Vesta" Tuzla u saradnji sa Udruženjem Vijeća škole i roditelja TK realizira istraživanje u osnovnim školama u cilju realizacije projekta "Kampanja za prevenciju i suzbijanje pojava oblika nasilja među djecom u osnovnim školama".

Referentna grupa Tuzla realizira projekat "Nasilje u porodici i nasilje među vršnjacima".

U 2008. godini nastavljene su aktivnosti na realizaciji Projekta "Omladinsko poduzetništvo" koji se u saradnji sa Otvorenim društvom BiH realizira u srednjim školama.

Ministarstvo je uspostavilo dobru saradnju sa nevladinim organizacijama koje provode svoje aktivnosti na realizaciji programa zdravstvenog educiranja učenika osnovnih i srednjih škola.

I dalje se radi na implementaciji Plana za provedbu Privremenog sporazuma o zadovoljavanju posebnih potreba djece povratnika. Posebno se prati dostupnost obrazovanju i primjena Kriterija za školske nazive i školske simbole. Aktivnosti u vezi realizacije navedenog plana vodi OSCE.

2.1.22. DONOŠENJE I OBJAVLJIVANJE NASTAVNIH PLANOVA I PROGRAMA

U izvještajnom periodu vođene su aktivnosti pripreme donošenja i objavljivanja Nastavnih planova i programa i drugih akata u Službenim novinama TK:

- Dopunu i izmjenu nastavnih planova i programa za porodicu zanimanja ugostiteljstvo i turizam u dijelu koji se odnosi na profil i stručnu spremu nastavnika.
- Dopunu i izmjenu nastavnih planova i programa za porodicu zanimanja geodezija i građevinarstvo u dijelu koji se odnosi na profil i stručnu spremu nastavnika.
- Dopunu i izmjenu nastavnih planova i programa za porodicu zanimanja poljoprivreda i prerada hrane u dijelu koji se odnosi na profil i stručnu spremu nastavnika.
- Dopunu i izmjenu nastavnih planova i programa za porodicu zanimanja ekonomija, pravo, administracija i trgovina u dijelu koji se odnosi na profil i stručnu spremu nastavnika.
- Dopunu i izmjenu Nastavnog plana i programa za stručno zvanje šumarski tehničar.
- Dopunu i izmjenu Nastavnog plana i programa za zanimanje stolar.
- Školski kalendar za školsku 2008/2009. godinu.
- Spisak Javnih ustanova srednjih škola upisanih u Registar srednjih škola.
- Nastavni plan i program za peti razred devetogodišnje osnovne škole.

2.1.23. SARADNJA SA AKTIVIMA DIREKTORA OSNOVNIH I SREDNJIH ŠKOLA

U izvještajnom periodu održano je više zajedničkih sastanaka ministrice sa saradnicima i aktivima direktora osnovnih i srednjih škola na kome je razgovarano o aktuelnoj problematici u osnovnim i srednjim školama na području Tuzlanskog kantona.

2.1.24. PROVOĐENJE ODLUKA I ZAKLJUČAKA VLADE TK

Ministarstvo je posebnu pažnju posvetilo realizaciji i provođenju Odluka i Zaključaka Vlade TK koje se odnose na davanja saglasnosti za raspisivanje konkursa i prijem novih zaposlenika, kao i davanja saglasnosti za angažovanje zaposlenika u školama.

2.1.25. VISOKO OBRAZOVANJE I NAUKA

2.1.25.1. Univerzitet u Tuzli

Univerzitet u Tuzli, sa 44 studijska odsjeka, organizuje i izvodi nastavno-naučni proces na 12 fakulteta i Akademiji dramskih umjetnosti. Na Univerzitetu u Tuzli i Travniku studira 15.304 studenata dodiplomskog studija i 1.467 vanrednih studenata. Na svim fakultetima organizovan je postdiplomski studij.

Veoma razvijena međunarodna saradnja Univerziteta je dobra osnova za uspješnu transformaciju Univerziteta u savremenu instituciju za edukaciju i istraživanje.

Usklađivanje nastavnih planova i programa sa evropskim, odvija se kroz više Tempus projekata, u koji su uključeni svi fakulteti Univerziteta.

Obavljanje naučno-istraživačke djelatnosti, ostvaruje se u skladu sa Zakonom o naučno-istraživačkoj djelatnosti. Kompletan organizacija naučno-istraživačke djelatnosti na Univerzitetu je otežana. Teškoće su

prvenstveno materijalne prirode imajući u vidu iznos sredstava predviđen Budžetom Kantona u 2008. godini za ovu namjenu.

Aktivnosti Ministarstva na realizaciji Programa rada iz oblasti visokog obrazovanja i nauke u 2008. godini su ostvarene u saradnji sa Univerzitetom u Tuzli sa težištem na slijedeće:

2.1.25.2. Nostrifikacija diploma

Tokom izvještajnog perioda kontinuirano je proveden postupak nostrifikacije diploma više i visoke stručne spreme stečenih u inozemstvu, te naučnog stepena magistar i doktora nauka. U izvještajnom periodu urađeno je 32 rješenja nostrifikacija diploma.

2.1.25.3. Stipendiranje studenata

Ministarstvo je provelo postupak dodjele kredita redovnim studentima dodiplomskog studija za akademsku 2007/2008. godinu i to po osnovu materijalnog položaja i socijalnog statusa, kao i studentima koji su ostvarili natprosječan uspjeh. Dodjela studentskih kredita sprovedena je u skladu sa Odlukom o utvrđivanju kriterija. Iz Budžeta Kantona su obezbijedena sredstva u iznosu od 880.000,00 KM za kreditiranje ukupno 579 redovnih studenata dodiplomskog studija, i to 187 kredita redovnim studentima koji su ostvarili natprosječan uspjeh, i 392 kredita redovnim studentima po osnovu materijalnog položaja i socijalnog statusa.

2.1.25.4. Vraćanje studentskih kredita

Provodi se postupak za utvrđivanje obaveze vraćanja kredita za studente - korisnike kredita za koje je dospjela obaveza vraćanja kredita, provjera podataka, upućivanje obavijesti, upućivanje opomene korsinicima studentskih kredita koji nisu počeli vraćati kredit. Tako da je u izvještajnom periodu doneseno 274 dopisa o vraćanju studentskih kredita, 32 opomene za vraćanje studentskih kredita, 464 rješenja o vraćanju studentskih kredita, 129 odluka za vraćanje studentskih kredita.

2.1.25.5. Subvencioniranje troškova smještaja studenata

U cilju poboljšanja standarda studenata Ministarstvo je radilo na donošenju odluke, te preuzimanju obaveza za subvencioniranje troškova smještaja i ishrane za studenata sa područja Tuzlanskog kantona u Studentskim domovima u Mostaru, Sarajevu, Tuzli i Zenici. Subvencija za smještaj studenata smještenih u Studentske domove u Mostaru, Sarajevu i Zenici po studentu iznosi 170,00 KM. Tu subvenciju u ovoj akademskoj godini ostvarilo je 184 studenata. Za smještaj studenata u Studentske domove u Tuzli subvencija po studentu iznosi 60,00 KM, a subvenciju je ostvarilo 310 studenata. Iz Budžeta Kantona su obezbijedena sredstva u iznosu od 498.000,00 KM za subvencioniranje troškova smještaja i ishrane studenata.

2.1.25.6. Naučnoistraživački rad

Ministarstvo kontinuirano podržava naučnoistraživački rad i to sufinansiranjem. U skladu sa Odlukom o utvrđivanju kriterija izvršena je raspodjela sredstava za sufinansiranje za oblast "Nauka" u iznosu od 253.000,00 KM. Raspodjela sredstava za oblast "Nauka" u skladu sa Planom raspodjele i Kriterijima izvršena je za:

- ✓ sufinansiranje izrade i odbrane doktorske disertacije u iznosu od 77.250,00 KM za 34 doktoranata,
- ✓ sufinansiranje izrade i odbrane magistarskih radova u iznosu od 77.450,00 za 60 magistranata,
- ✓ sufinansiranje postdiplomskog studija u iznosu od 77.250,00 KM za 136 postdiplomaca,
- ✓ sufinansiranje organizovanja naučnih skupova u iznosu od 23.000,00 KM za 11 aplikanata,
- ✓ sufinansiranje izlaganja i prezentacije patentnih rješenja u iznosu od 8.000,00 KM za 4 aplikanta,

2.1.25.7. Zdravstveno osiguranje studenata

Ministarstvo je kontinuirano rješavalo zahtjeve za odobravanje sredstava za uplatu doprinosa za zdravstveno osiguranje studentima, koji pravo na zdravstveno osiguranje ne mogu ostvariti po drugom osnovu. Tako je u izvještajnom periodu donesena 121 odluka.

2.1.25.8. Aktivnosti Univerziteta podržane od strane Ministarstva

- ✓ Upis studenata u I godinu dodiplomskog studija,
- ✓ Podrška organizaciji Ljetnog univerziteta,
- ✓ Podrška organizaciji manifestacije "Otvoreni Univerzitet",
- ✓ Davanje saglasnosti za potrebe radi zapošljavanja novih zaposlenika na Univerzitetu,
- ✓ Razmatranje podnesaka, izrada i dostavljanje pojedinačnih akata, vezanih za primjenu pravnih propisa iz nadležnosti Ministarstva (mišljenja, preporuke, obavijesti, objašnjenja, saglasnosti i drugo),
- ✓ Sudjelovanje na međuuniverzitetskim sastancima, prijem delegacija sa drugih univerziteta, učešće na seminarima, savjetovanjima, radne posjete fakultetima, te ostvarivanje drugih oblika saradnje u organizaciji međunarodne zajednice i Univerziteta,

2.2. ODSJEK ZA SAOBRAĆAJNU EDUKACIJU

2.2.1. Reverifikacija rada auto škola

U januaru 2008.godine završeni su postupci reverifikacije koji su vršeni u periodu april-decembar 2007.godine za auto škole koje nisu obezbijedile minimalne uslove za dobijanje rješenja za rad. U postupku reverifikacije 81 auto škola je ispunila potrebne uslove za dobijanje rješenja. U 2008. godini 7 auto škola je samovoljno prestalo sa radom, a otvorena je 1 nova auto škola, tako na području Tuzlanskog kantona radi 75 auto škola.

U izvještajnom periodu je zaprimljeno 39 zahtjeva za dopune rješenja, uvođenje kategorija/podkategorija, uvođenje vozila i instruktora u auto školu. Komisija Odsjeka za saobraćajnu edukaciju je vršila utvrđivanje uslova, pregled dokumentacije i vozila i izdavanje rješenja za rad auto škola.

2.2.2. Organizovanje osposobljavanja i polaganja ispita za sticanje licenci

Zakonom i pravilnicima utvrđena je Obaveza Ministarstva da izvrši osposobljavanje kandidata i polaganje ispita za sticanje licence predavača teorijske nastave, ispitivača iz teoretskog dijela ispita i ispitivača iz upravljanja motornim vozilom. Jedan od uslova za rad auto-škole je obaveza angažovanja licenciranog predavača za realizaciju programa poznavanja propisa iz oblasti bezbjednosti saobraćaja na putevima.

Ispitne komisije koje su formirane radi provjere obučenosti kandidata za sticanje dozvole za vozača motornog vozila mogu biti formirane samo od lica koja su licencirani ispitivači teoretskog dijela ispita i licencirani ispitivači iz upravljanja motornim vozilom.

Javnim pozivima objavljenim u decembru 2007.godine, maju i julu 2008.godine, Ministarstvo je obradilo 34 zahtjeva, imenovalo komisiju za realizaciju propisanog programa, obezbjedilo prostor i opremu, literaturu i utvrdilo dinamiku osposobljavanja kandidata, izvršilo kontrolu uplate sredstva shodno cjenovniku obuke za polaganja ispita za sticanje licence te organizovalo edukaciju, probno testiranje i polaganje ispita za sticanje licenci za predavače, ispitivače teoretskog dijela ispita i ispitivače iz upravljanja motornim vozilom pri čemu je 26 kandidata steklo licence. Izdata su uvjerenja o položenim testovima, uvjerenja o položenom ispitu za sticanje licenci, uneseni podaci u Registar i izdate stečene licence.

Cjelokupni postupak osposobljavanja i polaganja ispita za sticanje licenci vršit će se periodično u zavisnosti od zainteresovanosti kandidata.

2.2.3. Sticanje zvanja vozača instruktora motornih vozila

Na osnovu javnih poziva oglašanih u decembru 2007.godine i julu 2008.godine zaprimljene su prijave 21 kandidata za sticanje dozvole vozač-instruktor. Ministarstvo je obradilo zaprimljene zahtjeve, imenovalo komisiju za realizaciju propisanog programa, obezbjedilo prostor i opremu, literaturu i utvrdilo dinamiku osposobljavanja za polaganja ispita. U navedenim ciklusima 18 kandidata je steklo dozvolu vozač-instruktor dok 3 kandidata nisu prošla na eliminatornom ispitu iz poznavanja propisa o sigurnosti saobraćaja na cestama.

Komisija imenovana od strane Ministarstva obavila je edukaciju i osposobljavanje kandidata u trajanju od 45 sati i obavila ispite za sticanje dozvole vozača instruktora.

Ministarstvo je izdalo uvjerenja o položenim testovima, uvjerenja o položenom ispitu, unijelo podatke u Registar i izdalo dozvole vozača instruktora za 14 kandidata.

Postupak osposobljavanja i sticanja dozvole vozača instruktora provodi se periodično zavisno od iskazanog interesa kandidata.

2.2.4. Zamjena dozvola vozača instruktora

Obaveza vozača-instruktora je da u roku od 6 mjeseci od dana stupanja na snagu Zakona o osnovama sigurnosti saobraćaja na putevima u Bosni i Hercegovini i Pravilnika o sticanju dozvole vozač-instruktor izvrše zamjenu starih dozvola novim.

Javnim pozivom svim vozačima-instruktorima na području Kantona pokrenut je postupak zamjene instruktorskih dozvola, pri čemu je za svaki podneseni zahtjev vršena provjera validnosti dokaza o položenim ispitima za vozače instruktore kroz evidenciju organa unutarnjih poslova koji su izdali pomenuta dokumenta. U 2008. godini zaprimljeno je oko 386 zahtjeva pri čemu je izvršena obrada, provjera, uvođenje u jedinstveni Registar i distribuirano vlasnicima 372 instruktorskih dozvola. Preostali zahtjevi su u postupku rješavanja. Ministarstvo je u obavezi da periodično vrši educiranje i informisanje vozača-instruktora te je u sklopu ovih aktivnosti 21.01.2008. godine u BKC-u u Tuzli organizovalo predavanje za vozače-instruktore, predavanju je prisustvovao 231 instruktor.

2.2.5. Polaganje ispita za vozače motornih vozila

U 2008. godini na 7 ispitnih mjesta: Banovići, Gračanica, Gradačac, Lukavac, Živinice, Srebrenik i Tuzla (od jula 2008. godine otvoreno je 8 ispitno mjesto Kladanj) u redovnim terminima subotom (u ispitnom mjestu Banovići srijedom) na ispit iz poznavanja propisa (testovi) pristupilo je 6.052 kandidata od čega je 3.606 kandidata položilo, a 2.446 kandidata nije položilo. Ovdje je bitno napomenuti da ukupan broj izlazaka na ispit ne predstavlja broj kandidata već broj pokušaja polaganja, obzirom da jedan dio kandidata izlazi više puta na polaganje. Prosječna prolaznost na ispitu iz poznavanja propisa u izvještajnom periodu je iznosila 60%.

U istom periodu na navedenim ispitnim mjestima ispitu iz upravljanja motornim vozilom pristupilo je 10.187 kandidata od čega je 5.826 kandidata položilo a 4.361 kandidata nije položilo ispit. Prosječna prolaznost na ispitu iz upravljanja motornim vozilom u izvještajnom periodu je iznosila 57%.

2.2.6. Utvrđivanje ispunjavanja uslova ispitnog mjesta

Na zahtjev općine Kladanj, Komisija za utvrđivanje uslova neophodnih za formiranje ispitnog mjesta za polaganje vozačkih ispita izvršila je uvid na licu mjesta u julu 2008.godin i utvrdila postojanje neophodnih uslova za ispitno mjesto, te sačinila zapisnik na osnovu kojeg je izdato Rješenje općini Kladanj. Dok se ne obezbjedi adekvatan prostor za polaganje pismenog dijela ispita iz poznavanja saobraćajnih propisa kao angažovanje administrativnog zaposlenika za prijem zahtjeva, kandidati iz općine Kladanj će ispit polagati na ispitnom mjestu u Živinicama.

2.2.7. Saradnja sa državnim, federalnim i kantonalnim organima, auto školama, srednjim školama i udruženjima vozača instruktora

U izvještajnom periodu Odsjek za saobraćajnu edukaciju ostvario je saradnju sa Ministarstvom prometa i komunikacija BiH kroz potrebu za tumačenje i primjenu određenih propisa iz Zakona o osnovama bezbjednosti saobraćaja i pratećih Pravilnika koji uređuju oblasti vezane za djelatnosti koje su predmet rada Odsjeka. Saradnja sa kantonalnim MUP-om je ostvarena kroz permanentno vršenje provjera za kandidate koji prijavljuju polaganje vozačkih ispita, u smislu postojanja zabrana ili ograničenja na pravo upravljanja motornim vozilom. Sa Federalnim MUP-om se takođe vrši kontinuirana saradnja kroz provjere u Registru položenih ispita za vozače-instruktore, a u postupku zamjene starih instruktorskih dozvola.

Saradnja sa auto školama registrovanim na području Tuzlanskog kantona je konstantno prisutna kroz aktivnosti Odsjeka i pružanje usluga (izdavanje Rješenja, distribucija propisanih obrazaca - knjižica za kandidate, potvrda o završenom osposobljavanju, dnevnika vozača instruktora, i dr.). U cilju koordinacije i otklanjanja problema koji se javljaju u cjelokupnom procesu sticanja vozačke dozvole od momenta uvođenja

kandidata u obuku u auto školi pa do momenta izdavanja Uvjerenja o položenom vozačkom ispitu, zaposlenici Odsjeka su održali 9 radnih sastanaka po ispitnim mjestima sa svim instruktorima koji vrše obuku kandidata, i 2 radna sastanka sa predsjednicima i članovima ispitnih komisija. Ovi sastanci imaju za cilj stvaranje bolje saradnje svih sudionika u postupku osposobljavanja budućih vozača, povećanje kvaliteta obuke, što u konačnici treba doprinijeti promovisanju kvalitetnijih vozača koji učestvuju u saobraćaju i smanjiti broj saobraćajnih nezgoda u kojima je ljudski faktor najčešći uzrok.

2.2.8. Prostor i oprema

U postupku rješavanja prostornih potreba za prijemnu kancelariju i kabinet za ispit iz poznavanja propisa (testova) u toku je adaptacija prostorija preuzetih od Srednje trgovinske škole u Tuzli koje će biti korištene i kao edukativni centar za obuku novih vozača instruktora, obuke kandidata za licencirane predavače i ispitivače i ostale namjene vezane za aktivnosti Odsjeka. Izvršena je nabavka računarske opreme za pomenuti kabinet shodno obavezama o informatizaciji ispitnih mjesta propisanih Zakonom o osnovama bezbjednosti saobraćaja na putevima u BiH, a osposobljavanje kabineta i nabavka opreme za ostala ispitna mjesta planirana je u toku 2009.godine.

2.3. POKAZATELJI O URAĐENIM PREDMETIMA

Zaposlenici Odjeljenja za obrazovanje i nauku su u izvještajnom periodu bili angažirani na poslovima pripreme, prikupljanja podataka i obrade predmeta po zahtjevima škola, Univerziteta i drugih pravnih i fizički lica.

Tako da je u izvještajnom periodu obrađeno je i urađeno ukupno **22.930** raznih predmeta.

- ✓ Rješenja o nostrifikaciji i ekvivalenciji diploma i svjedodžbi: **261**
- ✓ Rješenja o vraćanju kredita: **464**
- ✓ Ostala rješenja: **74**
- ✓ Saglasnosti: **2.156**
- ✓ Odgovori na poslanička pitanja/ Skupštinske Komisije: **73**
- ✓ Mišljenja: **85**
- ✓ Odluke za studentske kredite: **129**
- ✓ Odluke za zdravstveno osiguranje: **338**
- ✓ Odluke za javni poziv za nauku: **394**
- ✓ Ostale odluke: **161**
- ✓ Opomene za studentske kredite: **32**
- ✓ Dopisi za vraćanje studentskih kredita: **274**
- ✓ Ugovori za studentske kredite: **579**
- ✓ Dopisi: **939**
- ✓ Izvještaja/Informacija/Analiza: **79**
- ✓ Preporuke: **45**
- ✓ Potvrde: **79**
- ✓ Uvjerenja o položenom stručnom ispitu: **311**
- ✓ Uvjerenja o položenom ispitu za vozača motornog vozila i položenom ispitu iz poznavanja propisa o sigurnosti saobraćaja na putevima: **9.460**
- ✓ Instruktorske dozvole: **372**
- ✓ Licence ispitivača i predavača: **28**
- ✓ Potvrde o završenom osposobljavanju za polaganje ispita za vozača instruktora: **28**
- ✓ Potvrde o završenoj pripremnoj nastavi za polaganje ispita za dobijanje licence: **26**
- ✓ Uvjerenja o položenom ispitu za dobijanje Licence: **26**
- ✓ Uvjerenja o položenom ispitu za vozača – instruktora motornih vozila: **26**
- ✓ Rješenja o odobravanju rada auto – škola: **22**
- ✓ Rješenja o imenovanju predsjednika i članova komisije za polaganje vozačkih ispita: **46**

3. ODJELJENJE ZA EKONOMSKO - FINANSIJSKE POSLOVE

U periodu januar – decembar 2008. godine Odjeljenje za ekonomsko – finansijske poslove, plan, analizu i statistiku je obavljalo slijedeće poslove:

3.1. Poslovi izvještavanja

Rad na popisu sredstava i izvora sredstava Ministarstva obrazovanja, nauke, kulture i sporta sa 31. 12.2007. godine i rad na izradi Elaborata o popisu sredstava i izvora sredstava razdjela 24 - budžetskih korisnika osnovnog, srednjeg i visokog obrazovanja, ustanova kulture koji su u nadležnosti Ministarstva. Izrada informaciju o realizaciji Programa mjera (iz Opšteg i Posebnog dijela) za otklanjanje nedostataka iznesenih u Finansijskim izvještajima Budžeta Tuzlanskog kantona za 2006. godinu, usvojen od Vlade i Skupštine Tuzlanskog kantona.

3.2. Poslovi planiranja, analize i statistike

Analiza i izrada operativnog plana budžetskih sredstava za period januar - mart 2008. godine, za period april – juni 2008. godine, juli - septembar 2008. godine i oktobar – decembar 2008. za Ministarstvo (naknade, materijalni troškovi i transferi koji su u nadležnosti ministarstva) i analiza i obrada operativnih planova ustanova iz nadležnosti ministarstva (131 operativni plan).

Analiza podataka i izrada Dokumenta okvirnog budžeta za period 2009. – 2011. godina za razdio 24 – ministarstvo, osnovno i srednje obrazovanje, ustanove kulture.

Prikupljanje i obrada podataka vezano za nedostajuća sredstva za bruto plaće i naknade, izdatke za materijal i usluge i kapitalna ulaganja, prijedloge unutrašnjih preraspodjela u dijelu budžetskih i vlastitih prihoda i više planiranih vlastitih prihoda, radi izrade Nacrta Izmjena i dopuna Budžeta TK za 2008. godinu.

Analiza i obrada zahtjeva ustanova osnovnog i srednjeg obrazovanja vezano za nedostajuće sredstava u Budžetu za 2008. godinu za prevoz učenika i odobravanje iz sredstva tekuće rezerve, kao i neplaniranih donacija i grantova od drugih noivoa vlasti, pravnih i fizičkih lica.

Prikupljanje Budžetskih zahtjeva za 2009. godinu budžetskih korisnika Razdjela 24 (131 zahtjev), analiza i obrada podataka, izrada prijedloga Nacrta Budžeta TK za 2009. godinu. za Razdio 24.

Analiza i obrada podataka, izrada Budžetskog zahtjeva za 2009. godinu za Ministarstvo obrazovanja, nauke, kulture i sporta i transfera u njenoj nadležnosti.

Prikupljanje primjedbi i sugestija na Nacrt Budžeta TK za 2009. godinu od budžetskih korisnika Razdjela 24 u skladu sa Programom javne rasprave koji je donijelo Ministarstvo finansija.

Kontinuirani rad na analizi i obradi planiranih sredstava za bruto plaće i naknade, izdatke za materijal i usluge i kapitalna ulaganja za Razdio 24 - u procesu izrade Prijedloga Budžeta TK za 2009. godinu.

3.3. Poslovi izvršavanja plana

Analiza i obrada zahtjeva ustanova iz nadležnosti ministarstva (osnovno, srednje i visoko obrazovanje, ustanove kulture i Pedagoški zavod) za realizacija vlastitih prihoda, izmjena dinamike u skladu sa Budžetom za 2008. godinu.

U skladu sa Zakonom o izvršenju Budžeta TK za 2008. godinu davanje saglasnosti ustanovama osnovnog, srednjeg i visokog obrazovanja, ustanovama kulture i Pedagoškom zavodu na planirana sredstva za obaveze po osnovu nabavke roba i usluga nakon provedenih procedura u skladu sa Zakonom o javnim nabavkama.

Obrada zahtjeva za nabavku kancelarijskog materijala, reprezentacije, sredstava za čišćenje, obrada računovodstvene dokumentacije ministarstva, plaćanje ugovora o djelu za oblast saobraćaja i saobraćajne edukacije i obaveza po osnovu transfera iz nadležnosti Ministarstva, naloga za plaćanje, evidentiranje i kontrola prihoda po osnovu internih transakcija i vlastitih prihoda.

Analiza podataka vezano za planirana i izvršena sredstva za bruto plaće i naknade zaposlenih za period januar – april 2008. godine u osnovnom i srednjem obrazovanju i učešće u radu Pregovaračkog tima Vlade TK i Samostalnog sindikata osnovnog i srednjeg obrazovanja i izrada prijedloga Sporazuma između Vlade TK i Samostalnog sindikata osnovnog i srednjeg obrazovanja.

Izrada informaciju za budžetske korisnike iz nadležnosti Ministarstva o Programu mjera (iz Opšteg i Posebnog dijela) za otklanjanje nedostataka iznesenih u Finansijskim izvještajima Budžeta Tuzlanskog

kantona za 2006. godinu, usvojen od Vlade i Skupštine Tuzlanskog kantona, sa definisanim izvršiocima i rokovima za realizaciju, kao i obavezu nabavke roba, radova i usluga u skladu sa Zakonom o javnim nabavkama i obavezu traženja pismene saglasnosti na planirana sredstva prijedloge ugovora za obaveze koje se realiziraju iz budžetskih i vlastitih prihoda u 2008. od Ministarstva finansija i Ministarstva obrazovanja, nauke, kulture i sporta.

Organizacija i rad u komisijama za javnu nabavku roba i usluga po javnom pozivu za potrebe Ministarstva (klasa 6 i 8).

U Operativnom centru za trezor osnovnog i srednjeg obrazovanja prijem, kontrola i unos podataka u pomoćnu knjigu trezora za ustanove osnovnog i srednjeg obrazovanja, periodično usaglašavanje vlastitih prihoda (klasa 7) i rashoda (klasa 6 i 8) koji se pokrivanju iz tih prihoda, dostavljanje izvještaja i kartica prema ustanovama osnovnog i srednjeg obrazovanja, komunikacija sa korisnicima i Glavnom knjigom Trezora (121 ustanova, 9 izvršilaca).

Prikupljanje i dostava podataka za potrebe interne i eksterne revizije Ureda za reviziju TK i Ureda za reviziju FBiH.

Prikupljanje, obrada podataka i izrada izvještaja vezano za kapitalna ulaganja budžetskih korisnika iz nadležnosti ministarstva i kapitalnih transfera koji su se realizirali preko Ministarstva.

3.4. Poslovi interne kontrole

Rad na poslovima interne kontrole u dijelu dostavljene finansijske dokumentacije radi unosa u Operativni centar Trezora, isplata preko blagajne ustanova osnovnog i srednjeg obrazovanja i interne kontrole isplata po računima za fiksne telefone i mobitele i drugim segmentima djelovanja ustanova iz nadležnosti Ministarstva.

Rad na internoj kontroli finansijskog poslovanja ustanova osnovnog i srednjeg obrazovanja zajedno sa Odjeljenjem za inspekcije Ministarstva obrazovanja, nauke, kulture i sporta.

3.5. Kapitalna ulaganja

U skladu sa Planom razvojnih programa, odobrenim Izmjenama i dopunama plana Budžeta Tuzlanskog kantona za 2008. godinu i Programom raspodjele sredstava sa pozicije Vlade Tuzlanskog kantona, namjenjenih za kapitalne transfere za 2008. godinu, odobrena su sredstva po općinama i po oblastima kako slijedi:

KAPITALNA ULAGANJA PO OBLASTIMA I OPĆINAMA U 2008 GODINI

Općina	Oblast	Iznos(KM)
BANOVIĆI	Osnovno obrazovanje	171.348,00
	Srednje obrazovanje	46.599,00
	Kultura	96.410,00
	UKUPNO	314.357,00
ČELIC	Osnovno obrazovanje	48.453,00
	Srednje obrazovanje	13.220,00
	Sport	140.000,00
	UKUPNO	201.673,00
DOBOJ - ISTOK	Osnovno obrazovanje	45.000,00
	Srednje obrazovanje	20.660,00
	Sport	400.000,00
	UKUPNO	465.660,00
GRAČANICA	Osnovno obrazovanje	398.037,00
	Srednje obrazovanje	87.800,00
	UKUPNO	485.837,00
GRADAČAC	Osnovno obrazovanje	395.135,00
	Sport	168.000,00
	UKUPNO	563.135,00

KALESIJA	Osnovno obrazovanje	237.705,00
	Srednje obrazovanje	47.800,00
	Sport	350.000,00
	UKUPNO	635.505,00
KLADANJ	Osnovno obrazovanje	98.971,00
	Srednje obrazovanje	17.993,00
	UKUPNO	116.964,00
LUKAVAC	Osnovno obrazovanje	290.796,00
	Srednje obrazovanje	175.600,00
	UKUPNO	466.396,00
SAPNA	Osnovno obrazovanje	114.183,00
	Srednje obrazovanje	18.742,00
	Sport	350.000,00
	UKUPNO	482.925,00
SREBRENİK	Osnovno obrazovanje	227.342,00
	Srednje obrazovanje	30.000,00
	Sport	400.000,00
	UKUPNO	657.342,00
TEOČAK	Osnovno obrazovanje	54.455,00
	Srednje obrazovanje	15.150,00
	Sport	330.000,00
	UKUPNO	399.605,00
TUZLA	Osnovno obrazovanje	450.407,00
	Srednje obrazovanje	414.900,00
	Kultura	135.700,00
	UKUPNO	1.001.007,00
ŽIVINICE	Osnovno obrazovanje	351.202,00
	Srednje obrazovanje	68.222,00
	UKUPNO	419.424,00
	SVEUKUPNO	6.209.830,00

3.6. Ostali poslovi

Rukovođenje, organiziranje, objedinjavanje i usmjeravanje rada odjeljenja.

Praćenje blagovremenog obavljanja poslova iz djelokruga odjeljenja.

Davanje prijedloga, upustava i pružanje stručne pomoći za vršenje poslova iz nadležnosti odjeljenja.

Učešće u izradi nacrtu zakona iz oblasti osnovnog i visokog obrazovanja i drugih propisa iz nadležnosti ministarstva, u procesima preuzimanja suosnivačkih prava nad javnim općinskim bibliotekama sa područja Tuzlanskog kantona.

Koordinacija i saradnja sa odjeljenjem za obrazovanje i nauku i odjeljenjem za kulturu i sport oko izrade izvještaja o nadzoru nad trošenjem sredstava odobrenih za nauke, fizičku kulturu i sport, kulturne manifestacije i izdavačku djelatnost iz planiranih sredstava za 2007. i 2008. godinu.

Rad u Komisiji za pregovore oko izrade Kolektivnog ugovora za oblast osnovnog, izmjene i dopune Kolektivnog ugovora za srednje obrazovanje, Pravilnika o izmjenama i dopunama Pravilnika o grupi poslova i okvirnih koeficijenata za oblast visokog obrazovanja;

Rad u radnim grupama vezano za projekat Svjetske banke «Restruktuiranje obrazovanja u BiH».

Saradnja sa Trezorom Ministarstva finansija i drugim organima uprave u Vladi TK.

Rad sa budžetskim korisnicima iz nadležnosti ministarstva, strankama i telefonski pozivi (preporuke, savjeti, uputstva).

Ostali plansko-analitički i računovodstveni poslovi iz ekonomsko-finansijske oblasti.

Ostali poslovi po nalogu rukovodioca.

4. ODJELJENJE ZA KULTURU I SPORT

4.1. Kultura

Prema obavezi iz Programa rada Ministarstva, Izvještaj o radu Odjeljenja kulture i sporta za period januar-decembar 2008., saglasno obavezama koje proističu iz Zakona o izvršenju budžeta Tuzlanskog kantona za 2008. godinu i obavezama iz člana 41. Pravilnika o unutrašnjoj organizaciji Ministarstva, u suštini je odraz nastojanja da se, i u ovoj godini, amortizuje nekompletan sastav Odjeljenja i njegovo funkcionisanje u takvim uslovima. U prvoj polovini godine, u Odjeljenju je efikasno i uspješno bio radno angažovan pripravnik, čiji odlazak iz Ministarstva, sredinom godine, nije mogao ostati bez odraza na efikasnost, ažurnost i objektivno (fizičko) teško sustizanja rokova.

Ipak, funkcionisanje Odjeljenja u prvom polugodištu, najsloženijem s obzirom na „sezonske“ poslove – raspisivanje tendera, pripremu akata u vezi s njima i svih drugih akata, organizovanje potpisivanja ugovora, korespondencija sa strankama, itd. – odvijalo se bez većih problema. Naročito se to odnosi na rokove, koje je Ministarstvo, pa i ovo odjeljenje, imalo u odnosu na obaveze iz Programa rada Skupštine TK i Programa rada Vlade TK, i koje smo realizovali na planirani i očekivani način.

Imajući ovo u vidu, karakteristikama aktivnosti u 2008. godini možemo nazvati:

(1) uspješno ažuriranje zaostalih poslova, prije svega u vezi sa uobličavanjem baze podataka o pravnim licima iz oblasti kulture i informisanja, iako je odlazak pripravnika u drugom polugodištu značio prazninu, koju uspješno popunjavamo angažovanjem ostalih uposlenika;

(2) kompletiranje tima Ministarstva u inspekcijskoj sferi – upošljavanjem inspektora za kulturu i sport, čime je stvorena neophodna pretpostavka za pripremu registra ustanova kulture u Kantonu i za redovan uvid u rad, aktivnosti i, posebno, namjensko trošenje sredstava, koje oblast kulture dobija od Ministarstva;

(3) nastojanje da se, i u okolnostima privremene nepopunjenosti Odjeljenja po važećoj sistematizaciji, ažuriraju dnevni poslovi – sve obimnija komunikacija sa strankama i odgovori na uobičajene akte, koji dolaze na našu adresu.

Najobimniji i najozbiljniji posao je završen u proceduri priprema odluka o kriterijima za (1) raspodjelu sredstava za manifestacije kulture, (2) raspodjelu sredstava za izdavačku djelatnost i (3) raspodjelu sredstava za sport i fizičku kulturu za 2007. godinu. Dodatno, u skladu s Programom rada Vlade, ove godine smo imali i (4) javni poziv za finansijsku podršku projektima medija javnog informisanja, koji je raspisan u maju, ali je poništen zbog nepreciznosti u određivanju kriterija za profitne i neprofitne organizacije, pa je ponovljen u septembru i uspješno priveden rkaju – Prijedlog programa je upućen Vladi na izjašnavanje.

Za razliku od zakašnjenja iz prošle godine, komisije koje je formirala Ministrica, ovog puta su ažurno i u roku, nakon javnih poziva objavljenih u aprilu, pripremile prijedlog programa raspodjele sredstava za izdavačku djelatnost i manifestacije kulture. Ugovori s aplikantima su potpisani krajem juna, odnosno početkom jula, tako da je realizacija sredstava otpočela prije sezone godišnjih odmora.

Rad sa strankama u vremenu planiranom za prijem stranaka (dvaput, ali i više puta sedmično) se u toku ove godine odvijao u nešto složenijim uslovima, jer je povećan obim komunikacije te vrste, a sve stranke su bile upućene na samo dva trenutna uposlenika u Odjeljenju. Nastavljeno je ono što je otprije specifičnost ove dimenzije rada: većini stranaka je valjalo objašnjavati ono što se već petu godinu dešava i uveliko je postalo praksa – da je f i n a n s i r a n j e aktivnosti u kulturi i sportu, a i u javnom informisanu, moguće samo putem javnog poziva, dakle apliciranja na tendere jednom godišnje, te da nikakav drugi oblik nije izvodljiv, ni dopušten.

I u ovoj godini je izražena tendencija povećanja broja zahtjeva iz nekih institucija kulture i sporta za dobijanje sredstava iz stavke kapitalnih ulaganja (rekonstrukcija objekata, otklanjanje kvarova, itd. – u Srebreniku, Tuzli, Gradačcu, recimo). Svim interesentima smo morali odgovoriti (objašnjavati) da su «kapitalna ulaganja» ograničena i da je zahtjeva mnogostruko više nego što je sredstava na raspolaganju. Prema dobijenoj instrukciji, sugerisali smo im da sačekaju eventualni rebalans kantonalnog budžeta i da se nadaju mogućnosti da se u to ukllope.

U novim uslovima, uz zakonsku obavezu objavljivanja konkurentskog zahtjeva (javni oglas za apliciranje kandidata za ispitne komisije), izabrane su komisije za polaganje bibliotekskih i arhivističkih ispita. Uz izvjesne teškoće, komisije su uspjele zakazati rokove za oba stručna ispita u maju mjesecu. U međuvremenu, stižu novi zahtjevi, a očekujemo da se do kraja godine stvore uslovi za održavanje još jednog ispitnog roka i za bibliotekare i za arhiviste.

U vezi s aktivnošću na izradi podzakonskih akata, Odjeljenje je i dalje vezano za donošenje zakona na višem nivou vlasti. To se, u prvom redu, odnosi na očekivani Zakon o kulturno-historijskom nasljeđu. Donošenje ovog propisa na kantonalnom nivou, uslovljeno je donošenjem zakona na nivou Federacije i države.

Kad je riječ o aktivnosti u sferi pripreme podzakonskih akata, ali i redovnih informacija i izvještaja, te pripremi promjena u dijelovima kulture, što nam je bila obaveza iz Programa rada Skupštine TK, početkom godine je na Skupštini razmatrana Informacija o stanju u oblasti kulture u 2007., pripremljeni su akti za razmatranje statusnih promjena u bibliotekama – kladanjskoj i banovičkoj, te Specijalnoj biblioteci „Behram-beg“ u Tuzli, a u septembru je urađena i Informacija o stanju u kulturi TK u 2008. godini.

S istom ažurnošću i u skladu s planiranim rokovima, kraju je privedena procedura zaokruživanja izvještaja o namjenskom utrošku sredstava za 2007. godinu u oblasti izdavačke djelatnosti i manifestacija kulture. U skladu s tim, pripremljen je materijal za internu i eksternu reviziju, a kad je riječ o izdavačkoj djelatnosti – u Pedagoškom zavodu je uspostavljen svojevrsan depo knjiga, kojima se pravda namjenski utrošak sredstava u ovoj oblasti. Najveći dio tih knjiga, koje su izdavači obavezni dostaviti Ministarstvu, doniran je bibliotekama: podijeljeno je 14 paketa opštinskim bibliotekama, biblioteci Kazneno-popravnog zavoda u Tuzli, biblioteci tuzlanskog Doma penzionera i biblioteci Gimnazije u Lukavcu, te za fond nagrada učesnicima učeničkih takmičenja.

Kraj godine je bio u znaku realizacije ponovljenog tendera za podršku medijima. Vlada je donijela odluku o podršci projektima medija informisanja u iznosu od 250.000 KM. Ponovljenim javnim pozivom s početka septembra, ta sredstva su podijeljena tako što je 140.000 KM namijenjeno komercijalnim (privatno vlasništvo) medijima, 60.000 KM medijima u javnom sektoru i 50.000 KM neprofitnim organizacijama, koje se bave i javnim informisanjem. Komisija, koju je formirala Ministrica, pregledala je ukupno 28 aplikacija, od kojih 7 nije ispunjavalo uslove, a preostala 21 prijava se odnosila na 2 projekta medija iz javnog sektora (od 60.000 KM raspoloživih, dodijeljeno 35.000 KM), 13 projekata iz komercijalnog sektora (140.000 KM) i 6 projekata neprofitnih organizacija (50.000 KM). Potkraj godine, potpisani su ugovori s medijima, kojima su dodijeljena sredstva, i svima su doznačeni odobreni iznosi.

Aktivnost Savjeta za kulturu TK, organa Vlade TK, čiji rad «servisira» i omogućava Ministarstvo – tačnije Odjeljenje za kulturu, u 2008. godini je bio nešto izraženiji na njenom početku. Savjet je usvojio Program rada, napravio Projekciju razvoja kulture do 2010. godine, ali je u drugom polugodištu došlo do zastoja, prije svega zbog neriješenog statusa i nemogućnosti naknade za rad članova Savjeta. U vezi s njegovim aktivnošću ima nejasnoća – i o organizaciji rada kad je riječ, i kad su u pitanju sredstva (neisplaćena) za rad članova Savjeta u 2007. godini, te kad se govori o naknadi za rad u ovoj godini.

U ovom periodu je završena procedura izbora novog direktora Arhiva TK, konačno je izabran novi Nadzorni odbor JP RTV TK, ali nije okončana procedura izbora direktora JU Međunarodna galerija portreta – konkurs je raspisan, ali i poništen, jer se nije javio adekvatan kandidat. Taj proces je ovog terentuka u svojevrsnoj blokadi.

U redovnoj komunikaciji sa strankama iz oblasti kulture i sporta, završen je veći broj tekućih akata – davanja saglasnosti, podrške ili pomoći u vezi sa pripremom konkretnih zahtjeva tih subjekata (BKC Tuzla, Muzej istočne Bosne, koji je ove godine otvorio nova arheološka nalazišta, Zavod za zaštitu kulturno-historijskog nasljeđa, itd.).

U ovom periodu, bilo je samo nekoliko poslaničkih pitanja – u vezi s resornim temama, koje «pokrivamo».

Predstavnici Odjeljenja su, zajedno s drugim odgovornim iz Ministarstva, redovno učestvovali u radu skupštinskih radnih tijela – komisija iz oblasti, koje „pokrivamo“, a u okviru procedure pripreme sjednica Skupštine TK, na kojima se raspravljalo o temama, vezanim za našu oblast.

Značajan dio aktivnosti, posebno nakon sugestije eksterne revizije, ogledao se u neposrednom prisustvu i provjeri namjenskog utroška sredstava za manifestacije i projekte, koji su finansijski podržani javnim pozivima. U vezi s tim, predstavnik Odjeljenja – u pravilu, pomoćnik Ministrice – prisustvovao je velikom broju

manifestacija kulture - precizno na 135 manifestacija (otvaranje izložbi slika, prisustvo akademijama, književnim večerima, izložbama slika, promocijama knjiga, dodjelama godišnjih nagrada, skupštinama udruženja iz oblasti kulture, koncertima ozbiljne muzike, izložbama umjetničke fotografije, takmičenjima učenika i studenata muzičkih škola i akademije, promocijama djela poznatih pisaca i sl. te drugim značajnim kulturnim događajima), koje su, direktno ili indirektno, podržane od strane Ministarstva.

To su bile slijedeće manifestacije:

Polugodišnji koncert učenika Srednje muzičke škole u Tuzli, «O Martinu Luteru Kingu i poeziji američkih crnaca» - predavanje povodom obilježavanja američkog nacionalnog praznika, rođendana M. L. Kinga, Promocija knjige «Gornja Spreča» - prilozi za monografiju, s posebnim osvrtom na prošlost kalesijskog područja – NUB «Derviš Sušić» u Tuzli, zajedno s Gradskom bibliotekom u Kalesiji, Otvaranje izložbe slika Rifata Zahirovića «Enkaustika u prozoru Tuzla», Izložba slika tuzlanskih umjetnika «Doba manufakture», Otvaranje izložbe fotografija članova Foto-kluba Zagreb, u organizaciji Asocijacije za umjetničku fotografiju i Foto-kluba «Tuzla», Svečana akademija u čast slovenačkog kulturnog praznika «Prešernov dan» u organizaciji Udruženja građana slovnačkog porijekla u Tuzli, Otvaranje obnovljene Austrijske biblioteke u NIUB «Derviš Sušić», Otvaranje izložbe umjetničkih fotografija članova Foto-kluba Oko iz Usti Nad Oblici u Češkoj Republici, «Dani Povelje» u Srebreniku – izložba slika slikara-amatera općine Srebrenik, Promocija romana Fadila Duranovića «Sutra je novi dan» - u okviru «Dana Povelje», Svečanost dodjele Godišnje nagrade Društva pisaca Tuzlanskog kantona za 2007. godinu, Samostalna diplomatska predstava Hazima Mujčinovića i Mateja Baškarada «Filoktet», po tekstu Hajnera Milera, u režiji Damira Altumbabića, Promocija knjige poezije «Al' za ovdje biti nisi» Marinka Banovića, Treća klupska izložba umjetničke fotografije članova Foto-kluba «Tuzla», Svečana akademija u povodu 15. godišnjice Radio-televizije Tuzlanskog kantona, Svečanost povodom 15. godišnjice Radio-televizije Lukavac, Svečanost povodom proglašenja sportiste 2007. godine u Tuzli, Promocija muzičkog CD-a «Stade se cvijeće rosom kititi», posvećenog djeci Srebrenice, Promocija Rječnika bosanskog jezika u izdanju Instituta za jezik iz Sarajeva, u povodu 1. marta, Dana nezavisnosti BiH, Sedma Smotra stvaralaštva učenika osnovnih i srednjih škola Tuzlanskog kantona, u povodu 1. marta, Dana nezavisnosti BiH, Otvaranje Osme samostalne izložbe slika Nade Dobnik, Otvaranje samostalne izložbe slika Čazima Sarajlića, Promocija knjige priča Zejčira Hasića «Tamnovanje Tea Ormanskog», Predstavljanje knjige «Fratr i njegova Bosna» fra Petra Anđelovića, Izložba slika Marijane Pažin-Ivešić, Promocija «Tuzli s ljubavlju», knjige poetsko-proznih radova Udruženja «Mladi Tuzle», Sjednica Organizacionog odbora za pripremu Prvog festivala sevdaha «Sevdalinko, u srcu te nosim», Premijera predstave «Malograđanska svadba» po tekstu Bertolda Brehta, Literarno obraćanje članova Književnog kluba BZK «Preporod», Otvaranje 6. TKT-festa i premijera «Tvrđave», Sjednica Organizacionog odbora za pripremu Prvog festivala «Sevdalinko, u srcu te nosim», Promocija novog vizuelnog identiteta «Tuzlanskog pilsnera» autora Dejana Slavuljice, akademskog grafičkog dizajnera, Otvaranje Sedme izložbe slika Likovne sekcije Udruženja građana slovenačkog porijekla u Tuzli, Predstava teatra EXIT iz Zagreba «Kako to misliš mene nema?» u okviru 6. TKT-festa, Promocija knjige Ramiza Salihovića «Priče s broda Titanik», Predstava Virovitičkog kazališta «Ljubav je jača od mača» u okviru 6. TKT-festa, Otvaranje samostalne izložbe slika Nedžiba Suljevića, Predstava Teatra «Rugantino» iz Zagreba «Seks za početnike» u okviru 6. TKT-festa, Predstava «Patafizika» Ežena Joneskoa u izvođenju Pozorišta «Toša Jovanović» iz Zrenjanina, u okviru 6. TKT-festa, Monodrama «Paorska groznica» Jovice Jašina u okviru 6. TKT-festa, Sedamnaesti pjesnički memorijal «Avdo Mujkić», Sastanak Odbora za pripremu Prvog festivala sevdalinke «Sevdalinko, u srcu te nosim», Promocija treće sveske publikacije o Teatar-kabareu Tuzla i završno veče 6. TKT-festa s predstavom «Kući» Udruženja dramskih umjetnika RS-a iz Banjaluke, Predstavljanje knjige poezije Džemaludina Latića «Kćeri svoga porobljenog naroda», Sastanak Organizacionog odbora za pripremu Prvog festivala sevdalinke «Sevdalinko, u srcu te nosim», Promocija knjige «Realpolitika i njeni protivnici» dr Esada Zgodića, Sastanak Organizacionog odbora za pripremu Prvog festivala sevdalinke «Sevdalinko, u srcu te nosim», Promocija romana «Ukleta čaršija» Osmana Arnautovića u izdanju «Bosanske riječi» iz Tuzle, Otvaranje samostalno izložbe slika «Boje i oblici» Hamzaliye Muhića iz Sarajeva, Sastanak Organizacionog odbora Prvog festivala sevdalinke TK «Sevdalinko, u srcu te nosim», Otvaranje izložbe portreta iz fundusa Galerije likovnih umjetnosti u Novom Sadu, Posjeta Dvadesetom sajmu knjige u Sarajevu, Press-konferencija povodom Prvog festivala sevdalinke TK «Sevdalinko, u srcu te nosim», Sjećanje na književnika Jusufa Begića (promocija knjiga Šefika Čajića «Put do sebe» i «Album i pojmovnik» Benjamina Isovića, te književno veče, posvećeno Begiću), Otvaranje samostalne izložbe slika Vinka Lamešića, Otvaranje izložbe idejnih projekata arhitekata Maide i Mirze Čorbića, Svečano otvaranje Pete književne manifestacije «Vezeni most» i otvaranje izložbe

ilustracija Ursule Kirhberg iz Njemačke, Otvaranje izložbe plakata studenata likovnih akademija iz Beograda, sa Cetinja i iz Sarajeva o temi «Mali princ – 65 godina među nama» i otvaranje izložbe dokumenata Fondacije «Mali Princ» iz Pariza, Književno-muzičko veče učesnika Petog susreta «Vezeni most», Završna priredba dodjele ovogodišnje nagrade «Mali Princ» u okviru manifestacije «Vezeni most», Promocija knjige «Bosna i Hercegovina u knjigama slavenskog fonda Biblioteke Akademije nauka Ruske federacije u Petersburgu», Svečanost uručenje Ordena viteza umjetnosti i književnosti Republike Francuske Ćazimu Sarajliću, Otvaranje Izložbe bosanskohercegovačke fotografije «FOTOBiH 2008.», Godišnji koncert učenika Srednje muzičke škole u Tuzli, Promocija 25. broja časopisa „Gračanički glasnik“, Promocija knjige poezije „Zemlja noćnih iluzija“, Svečano otvaranje 35. Gradačaćkih književnih susreta, Promocija „Romaneske trilogije“ Jasmine Musabegović, Monodrama „Mr. Single“ Željka Vukmirice iz Zagreba u okviru Petih dana monodrame, Monodrama „Običan dan“ Milana Gutovića iz Beograda – u okviru Petih dana monodrame, Festival filma i fotografije mladih Tuzlanskog kantona, Završna sjednica Organizacionog odbora Prvog festivala sevdalinke TK, Prijem povodom dodjele Ordena viteza za umjetnost i književnost Republike Francuske za 2008. godinu Ćazimu Sarajliću, Tribina BZK „Preporod“ Tuzla „Hasan Kaimija – život i djelo“, Promocija knjige Sadika Salimovića „Srebrenica-Tuzla, put smrti“, Manifestacija „Ljeto pod lipama Gračanice“ – koncert izvorne muzike na otvorenom, Promocija knjige „Odgoj za aktivno sudjelovanje građana u lokalnoj zajednici“, Otvaranje prigodne foto-dokumentarne izložbe „Srebrenica – da se ne zaboravi“ u organizaciji Arhiva TK, Okrugli sto „Srebrenica – da se ne zaboravi“, Promocija knjige poezije „Sprženi cvijet“ Selme Pilav Delibegović, Susret s umjetnicima-učesnicima OGUS-a (Otvoreni grad umjetnosti Srebrenik), Svečano otvaranje manifestacije OGUS 2008., Svečano otvaranje Trinaestog INTERBIFEP-a, OGUS 2008. – Otvaranje samostalne izložbe slika Vinka Lamešića iz Tuzle, Smotra folklor – u okviru OGUS-a 2008., Otvaranje devete međunarodne likovne kolonije „Breške 2008.“, Otvaranje Osme manifestacije „Cum grano salis“, Predstavljanje norveških autora i njihovih djela, prevedenih na bosanski jezik, Promocija knjige Ivana Lovrenovića „Izveštaj iz tamnog vilajeta“, Svečano proglašenje i dodjela nagrade „Meša Selimović“, Otvaranje izložbe umjetničkih slika, povodom Evropskog dana jevrejske kulture, u organizaciji Jevrejske opštine Tuzla, Promocija knjige „Likovne bilješke“ Ćazima Sarajlića, Performans modernog plesa, u organizaciji Francuskog kulturnog centra „Sofi Šife“ u Tuzli, Klavirski koncert Lidije Lovrić u okviru „Tuzlanskih večeri muzike“ – Bosanski kulturni centar u Tuzli – 26. 9. 2008. u 19.30 sati, Promocija monografije Košarkaškog kluba „Živinice 78“, Premijera pozorišne predstave „Smrt i djevojka“, Promocija knjige „Poker asova“, Otvaranje manifestacije „Dani Pozorišta mladih Tuzle“ i predstava „Raskršće“ Poetskog teatra mladih „Juvemnta“ iz Sarajeva, „Dani Pozorišta mladih Tuzla“ – predstava „Čelava pjevačica“ Mostarskog teatra mladih, Dani Pozorišta mladih Tuzla“ – predstava „Osvrni se u gnevu“ Akademije umjetnosti iz Banjaluka, Veče posvećeno Simon de Bovoar, u organizaciji Francuskog kulturnog centra „Sofi Šife“ u Tuzli, „Dani Pozorišta mladih Tuzla“ – predstava „Pišem ti iz 2070. godine“ Pozorišta mladih Tuzla, Predstava „Umetnost i dokolica“ Pozorišta iz Užica, „Dani BKC-a 2008.“ - Izložba nagrađenih autora sa 4. bijenala umjetnosti minijature BiH, Premijera domaćeg filma „Snijeg“, rediteljke Azre Begić, Otvaranje 13. kulturne manifestacije „Ikre“ u Kalesiji i omaž književniku, akademiku Nedžad Ibrišimoviću, Otvaranje Dana Matice hrvatske 2008. i promocija knjige Vlade Jagustina „Burića štala“, Otvaranje izložbe slika Marine Trogrlić, u okviru Dana Matice hrvatske 2008., Promocija knjige „Daleko je, sine, Srebrenica“ Mirsada Mustafića, Otvaranje izložbe levhi u duborezu kaligrafa Salih Mahmutbegovića, Promocija časopisa „Pogledi“ Bošnjačke zajednice kulture „Preporod“ u Tuzli, Otvaranje izložbe slika Sanjina Lugića iz Sarajeva „Čovjek ispod kože“, Otvaranje izložbe slika Alfreda Pala, Otvaranje izložbe radolva akademskog kipara Ilije Skočibušića, Projekcija filma „Češki san“ u okviru manifestacije „Nedjelja evropskog filma“, Otvaranje Petnaestog međunarodnog šahovskog turnira „Tuzla 2008.“, Otvaranje Godišnje selektivne izložbe članova Udruženja likovnih umjetnika TK, Promocija časopisa „Gradovrh“, Promocija knjige priča i pjesama za djecu Hazima Hodžića „Tajna čarobne kutije“, Promocija knjige poezije Omera Ibrahimagića „Čilibar i perle“, Bajramski koncert „Džemat radosti“, Modna revija povodom „Oriflame BH Fashion Week Tuzla“, Božićni koncert, u organizaciji Franjevačkog samostana u Tuzli, Promocija 26. broja časopisa „Gračanički glasnik“, Otvaranje samostalne izložbe radova akademskog kipara Florijana Mićkovića iz Mostara, Promocija knjige Osmana Džihe „Republika Smiješna“, Otvaranje Prvog internacionalnog salona umjetničke fotografije „Be-ha krug“, Božićni prijem Koordinacija hrvatskih i katoličkih udruga i institucija na području Tuzlanskog kantona.)

4.2. Sport i fizička kultura

Sport kao djelatnost od javnog interesa zauzima značajno mjesto u svakom društvu. Finansijsko i drugo učešće u sportu kroz Budžet značajno je i važno pitanje.

Donošenjem Budžeta TK za 2008. godinu sportu su doznačena sredstva u visini od 1.856.200,00 KM, tako da je Ministarstvo obrazovanja, nauke, kulture i sporta u svrhu transparentnog utroška sredstava oformilo devetočlanu Komisiju koja je radila na Programu raspodjele a na osnovu Kriterija koje je usvojila Vlada Tuzlanskog kantona.

Programu raspodjele sredstava komisijski se pristupilo poslije konkursa koji je bio raspisan 02.04.2008. godine.

Komisija je kroz nekoliko sastanaka radila na raspodjeli po utvrđenim Kriterijima i jednoglasno je donijela konačnu verziju Programa raspodjele za 2008. godinu koju je predočila Vladi Tuzlanskog kantona.

Vlada Tuzlanskog kantona je zvanično dala saglasnost na predočeni Program što je donošenjem odluke broj: 02/1-14-5212/08 od 16.07.2008 god. i potvrdila.

Plan raspodjele podrazumijevao je: transfer klubovima – sportskim organizacijama, sufinansiranje trenaznog procesa, zdravstvene zaštite sportista, kvalitetnih sportaša za nastup, mlađih kategorija kroz međunarodne nastupe kao i za Evropski Olimpijski festival mladih, sufinansiranje školskog sporta (kantonalni i federalni nivo), međunarodnih manifestacija koje su organizovane na Tuzlanskom kantonu, sufinansiranje seminara za pedagoge tjelesnog odgoja sa Tuzlanskog kantona, nagrada – stipendija najboljim sportistima i finansiranje invalidnog sporta.

I ove godine, dio za trenazni proces, Komisija je zauzela stav da se doznači klubovima a onda klubovi da sklapaju Ugovore sa sportskim dvoranama koje pružaju usluge.

Po javnom oglašavanju prispjelo je 198 aplikacija, od toga je uvršteno za raspodjelu 159 aplikacija koji su ispunjavali uslove i čija je dokumentacija bila potpuna a ostali su odbačeni iz razloga što se nisu uklapali u Kriterije.

Kabinetu Vlade dostavljen je spisak sportskih manifestacija koje su od posebnog interesa za Kanton kako bi bile blagovremeno uvrštene na poziciju Vladinih manifestacija (proglašenje sportista TK za 2008. godinu, karate turnir «TK Open 2008.», bokserski turnir mira „Aco Stanković 2008“, košarkaški memorijalni turnir „Slobodinih velikana“ 2008., međunarodni turnir Košarke u kolicima – Willi Brinkman i KUP šampiona Evrope B Program u atletici, meč za Svjetskog prvaka u kik boks, međunarodni turnir košarke u kolicima uz učešće KIK „Zmaj“ Gradačac..

Sa realizacijom doznačenih sredstava krenulo se dosta kasno (juli mjesec), tako da su sve ovo momenti koji su nam otežavali komunikaciju sa sportskim organizacijama.

- U toku prve polovine 2008. godine u finansijskom i organizacionom smislu i resorno Ministarstvo je pomoglo održavanje velikog broja školskih (kantonalnih, kao i na federalnom nivou) takmičenja na kojima je uzelo učešće oko 2.800 učenika što govori o velikom sportskom potencijalu Tuzlanskog kantona.

- Pored navedenih aktivnosti kojima je ovo Ministarstvo koordiniralo pružena je i znatna finansijska pomoć sportskim klubovima i pojedincima sa iskazanim vrhunskim rezultatima u različitim sportskim disciplinama.

- Obezbijedene su jednokratne stipendije najuspješnijim sportistima u muškoj i ženskoj konkurenciji u svim kategorijama za 2008. godinu, koje se uručuju u povodu proglašenja najboljih sportista za tekuću godinu.

- Ministarstvo će finansijski i organizaciono pomagati u organizaciji sportske manifestacije «Izbor sportiste TK za 2008. godinu» koje će se održati u drugoj polovini decembra mjeseca. Iz godine u godinu sve je manje primjedbi na stručni rad žirija i odabira najboljih po kategorijama.

- U februaru mjesecu dali smo svoj doprinos, zajedno sa Vladom, koja je bila pokrovitelj velikog Međunarodnog karate turnira pod nazivom «TK Open 2008» koji je ove godine pored evidentnog kvaliteta takmičara okupio i veliki broj učesnika – oko 1300 prisutnih.

Pokroviteljstvo se realizovalo i za organizaciju održavanja završnice Premijer lige u karateu.

- I ove godine KIK „Veterani“ su bili organizatori kvalifikacija KUP-a Willi Brinkman u maju mjesecu 2008. godine i to zahvaljujući organizacionoj i finansijskoj pomoći Ministarstva obrazovanja, nauke, kulture i sporta i Vlade TK.

- Ministarstvo je pomoglo u finansiranju učešća klubova na domaćoj i međunarodnoj sceni : (Karate klub «Tuzla Simbra» svjetsko i KUP Šampiona Evrope, Džudo klub Lukavac – organizacija međunarodnog džudo turnira i dva državna prvenstva (juniori i mlađi juniori) kao i učešće na Balkanijadi , Hrvatski klub «Sloboda», Atletski klub «Sloboda-Tehnograd», Plivački klub «Sloboda, «Zmaj» i «Galeb Koksara», Stonoteniški klub «Kreka – Jedinstvo», ŽOK Tuzla i Odbojkaški klub «Polo» Kalesija, Teniski klub „Sloboda“, „Zmaj“ i „Poštar“, odbojkašku kantonalnu ligu za kadetkinje, juniorsku Balkanijadu u odbojci za djevojke i kandidate za Paraolimpijske igre koje su održane u septembru mjesecu u Pekingu.

- Posebno su tretirani i poseban status su od strane ovog Ministarstva imala grupa sportista predviđena za državne selekcije kao i kandidati iz svih selekcija koji su stekli pravo učešća na evropskim i drugim međunarodnim takmičenjima.

- Posebna pomoć i razumijevanje pružena je organizacijama koje se bave hendikepiranim i osobama ometenim u razvoju.

- Pored navedenih aktivnosti, Ministarstvo poštuje protokol sa Sportskim savezom TK o organizaciji takmičenja za učenike osnovnih i srednjih škola prvi ciklus (atletika, košarka, odbojka), drugi je obuhvatao kros i stoni tenis (koji su održani u oktobru mjesecu).

- U periodu maj – juni održana su kantonalna prvenstva za osnovne i srednje škole u atletici, košarci i odbojci i praćen je odlazak atletskih reprezentacija Tuzlanskog kantona na finale Kupa BiH u Sarajevu – atletika, Vogošća – košarka i odbojka. Finansiranje ovih školskih manifestacija išlo je preko Ministarstva obrazovanja, nauke, kulture i sporta, gdje su selekcije iz Tuzlanskog kantona imale zapažene rezultate. Drugi ciklus takmičenja (kros, stoni tenis) održan je u oktobru mjesecu i prati se kontinuitet do decembra.

- Uz tehničku organizaciju Društva pedagoga za tjelesni odgoj i sport TK u Bihaću je u periodu od 26.8. do 29.8.2008. godine održana Četvrta ljetna škola za nastavnike i profesore tjelesnog i zdravstvenog odgoja osnovnih i srednjih škola sa područja Tuzlanskog kantona.

Na seminar se odazvalo 68 nastavnika i profesora. Organizator je obezbijedio uslove za održavanje seminara što podrazumijeva i respektabilne predavače sa stručnim i aktuelnim temama. Održan je i Okrugli sto gdje su se iznijeli utisci o seminaru, gdje su se dali prijedlozi tema za naredni seminar i gdje se raspravljalo o pokušaju organizacije ligaškog sistema takmičenja na Kantonu u pojedinim sportovima, i gdje je održana Skupština Društva pedagoga tjelesnog i zdravstvenog odgoja TK.

Svoje učešće u uspješnom sprovođenju seminara, pored Ministarstva, Društva pedagoga tjelesnog i zdravstvenog imao je i Fakultet za tjelesni odgoj i sport Univerziteta u Tuzli.

- Održan je okrugli sto na temu: „Rasprava o kriterijima raspodjele sredstava iz budžeta“. Na okruglom stolu su učestvovali predstavnici sportskih organizacija s područja TK, čiji prijedlozi i sugestije su pomogli u definisanju i kompletiranju kriterija.

- Savjet za sport kroz vid bavljenja stručno savjetodavnim pitanjima iz oblasti tjelesne kulture i sporta bavio se mnogim temama koje se tiču unaprijeđenja sportskog rezultata. U 2008 godini zajedno sa odjelom za sport Ministarstva obrazovanja, nauke, kulture i sporta izradio je Program razvoja sporta do 2012 godine kao i Informaciju o stanju u oblasti sporta do oktobra mjeseca 2008. godine

- U okviru kontinuirane djelatnosti ovog Ministarstva, radilo se na aktivnostima pisane i usmene komunikacije sa pravnim i fizičkim licima u oblasti sporta i na pružanju stručne pomoći klubovima i sportskim organizacijama.

- Nastojali smo da na svim značajnim sportskim događajima bude prisutan predstavnik Ministarstva u čemu smo i uspjeli, nismo bili na zanemarljivo malom broju manifestacija.

- Ministarstvo obrazovanja, nauke, kulture i sporta, na čelu sa Ministricom, redovno je pratilo uspjehe pojedinaca i sportskih kolektiva i adekvatno rezultatima organizovani su prijemi i obezbijedene su nagrade za osvajače značajnih odličja u 2008. godini.

Izmjena i dopuna postojećeg Zakona o sportu na nivou Kantona nije realizovana iz razloga što su započete radnje oko donošenja podzakonskih akata koji će proizaći iz provođenja Zakona o sportu na nivou Bosne i Hercegovine i tada će se pristupiti usaglašavanju Zakonskih i podzakonskih akata TK.

- Održana je sastanak sa predstavnicima Sportskog saveza BIH uz prisustvo predstavnika Općinskih sportskih saveza na kome se razgovaralo o realizaciji pokreta Malih Olimpijskih igara BIH (MOI) kao najmasovnijeg pokreta u sportu. Data je puna podrška kako bi ovaj vid takmočenja za osnovne i srednje škole u BIH počeo od 2009. godine uz obećanje Federalnog Ministarstva za sport da će ovaj proekat finansijski podržati.

- U decembru mjesecu Federalno ministarstvo kulture i sporta raspisalo je Javni oglas za raspodjelu sredstava za sport i kulturu u 2008. godini. Jedan od uslova bio je da se priloži i saglasnost kantonalnog resornog ministarstava, tako da je za sve one koji su se zahtjevom obratili odjelu sporta(58 aplikacija) uradjena i izradjena preporuka.

- Ministarstvo je upriličilo, u 2008. godini po drugi put, dodjelu stipendija za kategorizovane sportiste. Ministarstvo je u 2008. godini sredstva namijenjena za stipendije za sportsko usavršavanje Programom raspodjele sredstava obuhvatilo istim iznosom kao i u 2007. godini – ukupno 62.000,00 KM.

- Kao kruna okončanja jedne kalendarske godine jeste sumiranje sportskih rezultata i njihova prezentacija javnosti kroz organizaciju sportske manifestacije proglašenja najboljih sportista, sportskih radnika i trenera iz TK koja će se održati u decembru mjesecu. Ova manifestacija se organizuje pod pokroviteljstvom Vlade TK, a u tehničkoj organizaciji Ministarstva i službe Sportskog saveza TK. Može se reći da je 2008. godina okončana uspješno s obzirom na uslove u kojima se sport TK odvija.

- U ovoj godini resorno Ministarstvo prema svojim mogućnostima nastojat će promovirati sport od školskog do vrhunskog sporta kao i invalidni na Kantonu, Bosni i Hercegovini kao i na međunarodnom nivou.

5. INSPEKTORAT

U toku izvještajnog perioda, inspeksijski nadzor je obuhvatao:

- ustanove predškolskog odgoja i obrazovanja (9),
- osnovne škole (88), područne osmorazredne škole (142), područne četverorazredne škole (10),
- srednje škole (33)
- osnovne škole za učenike sa smetnjama u fizičkom i psihičkom razvoju (2),
- osnovna muzička škola (4)
 - visokoškolske ustanove (13)
 - ustanove kulture (22)
 - ustanove sporta (5).

Inspekcija za obrazovanje je u toku izvještajnog perioda obavila 193 opća pregleda u osnovnim i srednjim školama TK, u smislu odredbe člana 9.i stav 1. Zakona o inspekciji za obrazovanje.

U svim srednjim školama, obavljani su pregledi. Predmet pregleda su bili ispiti vanrednih polaznika i personalni dosije za ocjenjivanje nastavnika. Ukazano je menadžmentu škole na propuste u radu, obavezu i način uklanjanja propusta.U ustanovam kulture i sporta izvršen je uvid u opću dokumentaciju i evidenciju ustanove te ispunjavanje uslova za rad od strane istih.

Izdato je 89 rješenja sa rokom za otklanjanje nedostataka. Svi subjekti su postupili po rješenju u datom roku. Sačinjeno je 212 zapisnika pri redovnoj kontroli, 132 zapisnika sačinjena su poslije kontrole, inicirane podneskom stranke, po zahtjevu ombudsmena ili po nalogu ministra, i 83 zapisnika sačinjenih poslije kontrole izvršenja rješenja.

Najveći broj prigovora se odnosio na izbor kandidata po konkursu, utvrđivanje bod-liste zaposlenika za čijim radom je prestala potreba djelimično ili u cjelosti u ustanovama obrazovanja i utvrđivanje 40-časovne radne sedmice, ne poštivanje saglasnosti za izdavanje udžbenika, izdavanje prostora u ustanovama kulture. Sve stranke su u propisanom roku dobile pisane odgovore, sa nalazom inspektora i poduzetim mjerama.

Ukupno 97 predmeta je proslijeđeno na postupanje nadležnom organu (inspekciji rada i MUP-u TK).

Izvršena je provjera validnosti 446 diplome, svjedodžbe i uvjerenja na fakultetima, srednjim i osnovnim školama TK. Većina zahtjeva za provjeru je od strane Vlade Brčko Distrikta, Federalnog ministarstva za obrazovanje, Porezne uprave i Glavnog prosvjetnog inspektora RS, Agencije za državnu službu FBiH.

Pored navedenog, inspektori za obrazovanje učestvovali su u radu Komisija za polaganje stručnih ispita kao i drugim komisijama formiranim od strane Ministarstva.

6. PEDAGOŠKI ZAVOD*

Posebna pažnja u 2008. godine usmjerena je na poslove iz oblasti: Općeg i užestručnog nadzora, novog stručnog nadzora, stručnog usavršavanja nastavnika, stručnih saradnika i saradnika i menadžmenta škola, nastavka reformskih promjena obrazovnog sistema u osnovnim i srednjim školama TK, osavremenjavanja i poboljšanja kvaliteta nastave, saradnje sa nevladinim organizacijama, univerzitetom, lokalnom zajednicom, učeničkim i roditeljskim asocijacijama, inoviranja NPP u svim nivoima obrazovanja, evaluacije nastavnog procesa, posebno u onim segmentima u kojima se vrše određene promjene NPP – devetogodišnje obrazovanje, provođenje eksterne mature u općim gimnazijama, kulturne i javne djelatnosti, saradnje PZ sa pedagoškim zavodima BiH, organizacije i realizacije stručnih ispita, davanja stručnih mišljenja za imenovanje direktora predškolskih ustanova, osnovnih i srednjih škola te ostalih stručnih mišljenja u nadležnosti Zavoda, saradnje sa Agencijom za standarde i ocjenjivanje u obrazovanju za Federaciju Bosne i Hercegovine i RS, provođenja postupka javnih nabavki za 2008. godinu, rada na izmjeni i dopuni Zakona o osnovnom odgoju i obrazovanju i Zakona o srednjem obrazovanju, Normativa i Pedagoških standarda, te prijedloga Pravilnika o ocjenjivanju direktora osnovnih i srednjih škola, izdavačke djelatnosti, vrednovanja osnovnih i srednjih škola, izrade analitičkog izvještaja, i drugih poslova iz oblasti djelatnosti Pedagoškog zavoda.

Započelo je stručno usavršavanje nastavnika osnovnih i srednjih škola u decembru 2008. za šk. 2008/2009. godinu, a biće završeno u januaru 2009. , te će rezultati biti objavljeni u Izvještaju o radu za tekuću godinu.

7. NORMATIVNO-PRAVNI POSLOVI

U izvještajnom periodu Ministarstvo je pripremio i uputilo u dalju proceduru:

- Zakon o visokom obrazovanju (objavljen u „Službenim novinama TK“),
- Zakon o Univerzitetu u Tuzli (objavljen u „Službenim novinama TK“),
- Zakon o izmjenama i dopunama Zakona o osnivanju JU Zavod za odgoj i obrazovanje osoba sa smetnjama u psihičkom i tjelesnom razvoju,
- Nacrt Zakona o predškolskom odgoju i obrazovanju

Iz nadležnosti Ministarstva obrazovanja urđeni su slijedeći podzakonski akti:

- Pravilnik o izmjenama i dopunama Pravilnika o osnovama i mjerilima za utvrđivanje plaće i drugih ličnih primanja uposlenika u javnim ustanovama u oblasti osnovnog obrazovanja,
- Pravilnik o izmjenama i dopunama Pravilnika o osnovama i mjerilimaza utvrđivanje plaće i drugih ličnih primanja uposlenika u javnim ustanovama u oblasti srednjeg obrazovanja,
- Pravilnik o izmjenama i dopunama Pravilnika o osnovama i mjerilima za utvrđivanje plaće i drugih ličnih primanja uposlenika u javnim ustanovama u oblasti kulture ,
- Pravilnik o ocjenjivanju rada namještenika u Ministarstvu obrazovanja, nauke, kulture i sporta Tuzlanskog kantona,
- Pravilnik o sadržaju i načinu vođenja dokumentacije i evidencije u srednjim stručnim školama,
- Pravilnik o utvrđivanju plaće i drugih ličnih primanja državnih službenika i namještenika u Ministarstvu obrazovanja, nauke, kulture i sporta Tuzlanskog kantona,
- Pravilnik o izmjenama i dopunama Pravilnika o polaganju stručnog ispita,

* U Izvještaju o radu Ministarstva obrazovanja, nauke, kulture i sporta za 2008. godinu prikazali smo skraćenu verziju Izvještaja o radu Pedagoškog zavoda za ovaj period. Istovremeno Vas obavještavamo da je Ministarstvu dostavljen i puni Izvještaj te da je isti dostupan ukoliko bude potrebe za njegovim razmatranjem.

- Pravilnik o izmjenama i dopunama Pravilnika o sadržaju i načinu vođenja dokumentacije i evidencije u srednjim školama,
- Pravilnik o izmjenama i dopunama Pravilnika o sadržaju i načinu vođenja dokumentacije i evidencije u osnovnim školama,
- Pravilnik o izmjenama i dopunama Pravilnika o maturi u općoj gimnaziji,
- Pravilnik o dopunama Pravilnika o polaganju stručnog ispita,
- Pravilnik o izmjenama i dopunama Pravilnika o unutrašnjoj organizaciji i sistematizaciji radnih mjesta Ministarstva
- Pravilnik o izmjenama i dopunama Pravilnika o grupama poslova i zadataka i okvirnih koeficijenata za obračun plaća u javnim ustanovama visokog obrazovanja.
- Pravilnik o izmjenama i dopunama Pravilnika o plaćama, naknadama i drugim primanjima zaposlenika na Univerzitetu,
- Pravilnik o ocjenjivanju rada i sticanju višeg stručnog zvanja nastavnika, profesora i stručnih saradnika u osnovnim i srednjim školama te odgajatelja u predškolskim ustanovama i domovima učenika,
- Pravilnik o načinu i uvjetima provjere poznavanja propisa o sigurnosti saobraćaja na putevima za vozače bicikla sa motorom

8. OPĆI I ZAJEDNIČKI POSLOVI

Pregled urađenih predmeta po organizacionim jedinicama Ministarstva za 2008. godinu

Organizaciona jedinica	Vrsta predmeta														UKUPNO
	Rješenje	Saglasnost	Odgovor na poslaničko pitanje	Mišljenje	Odluka	Dopis	Izveštaj/informacija/analiza	Preporuka	Potvrda	Instruktorska dozvola	Licenca	Zapisnik	Uvjerenje	Ugovor	
Odsjek za obrazovanje i nauku	799	2.156	73	85	1.022	1.245	79	45	79				311	579	6.473
Odsjek za saobraćajnu edukaciju	68								28	372	28		9.512	798	10.806
Odjeljenje za ekonomsko – finansijske poslove		826				889									1.715
Odjeljenje za kulturu i sport					336										336
Inspektorat	289											427			716
UKUPNO	1.156	2.982	73	85	1.358	2.134	79	45	107	372	28	427	9.823	1.377	20.046

9. INFORMACIONI SISTEMI

Ministarstvo obrazovanja, nauke, kulture i sporta u 2008. godini je realizovalo pilot projekat informatizacije školskih biblioteka kroz uvođenje bibliotečko - informacionog sistema Facit Biblioteka v2.0, kojeg je realizirala firma Dokument Servis iz Sarajeva. U okviru ovog projekta odabrano je 20 osnovnih i srednjih škola koje su prošle kroz obuku korištenja sistema, i koristili sistem u trajanju od godinu dana. Kao rezultat ovog projekta deset najaktivnijih škola u projektu su dobile stalnu licencu za korištenje ovog sistema.

Ministarstvo obrazovanja, nauke, kulture i sporta Tuzlanskog kantona je u školskoj 2007/2008 i školskoj 2008/2009 godini nastavilo sa korištenjem informacionog sistema upravljanja u obrazovanju EMIS (Education Management Information System) u svim osnovnim i srednjim školama Tuzlanskog kantona (121). Ovaj informacioni sistem se koristi već sedam posljednjih školskih godina, kako po školama tako i na ministarskom nivou i koristi se u svakodnevnom radu a posebno u oblasti planiranja, analize stanja u školstvu, praćenje trendova, kontrolu i praćenje resursa, poštivanje postojećih i planiranja u donošenju novih pedagoških standarda, upravljanja ljudskim resursima u školstvu. Takođe, u toku 2008 godine smo uspješno koristili podataka iz sistema obračuna plata za zaposlenike u obrazovanju iz Ministarstva finansija i njihovo povezivanje sa Emis bazom podataka. Takođe, u toku 2008 godine su vršene pripreme za dogradnju EMIS sistema u smislu njegove dogradnje po strukturi podataka kao i korištenja na novim on-line platformama što bi omogućilo bolju iskorištenost postojećih podataka sa aspekta korištenja istih od drugih javnih institucija kao i roditelja učenika (realizacija eDnevnika) i drugih zainteresiranih subjekata.

Zvanična web stranica ministarstva www.monkstk.ba je dograđivana i na njoj su postavljani aktuelni sadržaji kao i svi javni pozivi i rezultati na osnovu javnih poziva koje je objavljivalo ministarstvo. Takođe, dogradnja i ažuriranje sadržaja je vršeno i za web stranicu Pedagoškog zavoda Tuzla www.pztz.ba. U sklopu ove stranice je realizovan on-line sistem za podršku Eksternoj maturi za opće gimnazije Tuzlanskog kantona za školsku 2007/2008 godinu.

10. OSTALO

Proveden je postupak pripremanja, obavještanja i izbora najpovoljnijih ponuđača za nabavku i isporuku roba i usluga u skladu sa Zakonom o javnim nabavkama (urađena obavještenja, zapisnici, odluke i ugovori).

Urađena su Rješenja o postavljenju državnih službenika u Ministarstvu, rješenja o prijemu namještenika u Minsitarstvu, Rješenja o korištenju godišnjih odmora i isplatu regresa, Rješenja o korištenju plaćenog odsustva, Rješenja o ocjeni rada namještenika, Rješenja o povećanju plaće po osnovu ocjene namještenika i obrađeni zahtjevi po raznim osnovama.

Proveden je postupak izbora službenika Ministarstva.

Urađena su i proslijeđena Izjašnjenja prema Kantonalnom pravobranilaštvu, Uredu Ombusmena i odgovori na poslanička pitanja.

Saradnja sa službama Skupštine Kantona, skupštinskim komisijama, ministarstvima, Uredom za reviziju, Uredom za zakonodavstvo, Uredom ombudsmena, OSCE, školama, Univerzitetom i drugim institucijama je bila uspješna.

BOSNA I HERCEGOVINA
Federacija Bosne i Hercegovine
TUZLASNKI KANTON
Ministarstvo obrazovanja,
nauke, kulture i sporta

MINISTRICA
Doc. dr. Mirzeta Hadžić-Suljkić

Broj:
Tuzla,